

衡州府志卷之二十五

知衡州府事豐城饒佺重編

列女^上

坤貞巽順女德罔缺曰孝曰賢曰節曰烈履常較易處變各別早喪所天淚繼以血下撫黃口上奉白髮或且殉夫一慟腸裂或則拒賊引脰志決彼須糜子乏此骨節

衡陽縣

按一郡人物例不分縣編次亦以科目籍貫開卷原自瞭然惟列女歲時先後各志未經

衡州府志

卷之二十五

衡陽列女

一

注明難以渾載今惟照縣志分列挨編差免舛混

元

李興妻趙氏年二十八興戍交阯陣亡趙撫稚孤寄人籬廡下織笠自給以節終子世欣以孝行聞

明

曹受興妻陳氏洪武十二年受興病劇氏對夫剪髮誓不他適時年二十九孀居茹荼紡績以給二孤有司獎之

易子達妻曾氏幼讀書曉大義歸子達生子思
銘會晬日夫曰我有痼疾脫弗瘳若肯撫是兒
以終乎氏泣曰上天鑒臨敢有二志越二年而
寡毀容不出戶庭教子垂成子又夭撫孤孫志
魁年九十二正統二年旌

彭應祖妻周氏年十八適彭七年而應祖沒子
方嬰孺恐父母奪其志乃自髡以節終永樂間
特表其墓

朱衡妻王氏宣德中衡以進士卒京師氏年二
十五剪髮誓死竟以哀毀卒

衡州府志

卷之二十五

衡陽列女

二

湯思文妻劉氏年十九思文歿無子家貧將奪
其志氏走夫塋號泣絕食乃止後以節終

甯志讓妻譚氏宣德中志讓卒閱四月而氏始
生子年二十八斷髮毀容撫育孤兒以壽終

甯代伯妻伍氏適甯不見答且命改適氏泣曰
婦容婦工誠無所有禮婦人不再適子居數十
年尤能事夫以禮年逾七十而歿

周志連妻歐陽氏弘治間夫故無子時氏年甚
少家貧盡斂其粧貲奉夫柩歸窆苦節四十餘
年以壽終

顏宣妾王氏宏治中宣任扶溝尉卒氏與宣妻扶襯歸□卧一樓中家人罕見子長娶婦氏既老始扶杖堂奧間其峻操如此侍御劉黻爲立傳

劉冕妻鄧氏正德初冕亡無嗣氏矢志守節冕弟侍御黻以其次子爲冕後鄧撫之如所生迄於成立

張鶚翼妻段氏姑卒悉鬻其嫁時裝以殮嘉靖甲午鶚翼不得預解額鬱悒以終氏年二十一欲以身殉家人勸之勉延喘撫孤悲思哭泣積

衡州府志

卷之二十五

衡陽列女

三

二十七年卒

蔡玉章妻歐陽氏年十六歸蔡四載而寡無子以節終侍御劉黻爲立傳

譚元宗妻段氏元宗素家貧既歿遺孤子三皆孩提氏時年三十撫教之至於成立嘉靖戊午長子僎舉於鄉氏年七十六終有祭酒瞿景淳傳

解元王萬善妻劉氏萬善鄉舉第一既寢疾氏年少伏床泣曰願效死萬善叱之曰吾服道有年令婦人殉死不祥萬善卒氏居一小樓足不

履地者四十餘年而卒尋得建坊旌表

姚遜繼妻搭氏年二十六夫卒家貧無嗣氏毀容斷髮孝養舅姑茹苦八十年萬歷閒撫按給粟米

生員何文字妻袁氏文字爲諸生早世氏年二十六撫孤以節終萬歷閒州守表其門

王賞妻甯氏年二十四賞沒氏有娠尋生男氏撫教之縞衣糲食足不踰閭閻嘗有疾子爲延醫診視氏曰死吾夙所甘奈何示人手邑人朱炳如爲立傳

衡州府志

卷之二十五

衡陽列女

四

趙學普妻劉氏普早卒遺腹生子良相家貧勵節數十年如一日良相登萬歷辛丑進士

曾汝朝妻王氏適曾甫三月而寡眾勸改適氏厲言拒之孀居四十年冰操凜然

趙寶妻廖氏年十九夫沒無子執婦道無失墜以節壽終

貢生何悌妾董氏悌有二妾氏無子曹氏生二子悌卒曹改適董撫之如己出時董年未二十何族有謀令改適者氏引刀自刎頸血濺地鄰人驚救獲甦以節終御史錢岱奏聞特旌

易梅妻楊氏適梅三載梅亡氏事姑撫孤卒年八十二

楊執初妻王氏年二十五夫亡截髮矢志學使黃希憲郡守李燾皆表其廬

侍御甯欽繼妻張氏年始笄適欽爲繼妻甫月餘欽奉按淮卒於邸舍張勵志守節年九十二卒

甯威繼妻王氏威母廖氏早寡矢節王歸威匝月而威卒王感姑之節勵志侍姑以孝敬聞郡丞沈鈇爲作甯氏三節傳

衡州府志

卷之二十五

衡陽列女

五

羅榮興妻王氏榮興客死氏嚙指瀝血以守生員趙一鶚妻廖氏一鶚早世氏矢節終身郡守表之

劉經德繼妻余氏妾劉氏余于歸三載未有子爲經德買妾劉生子銘劍踰年經德故余與妾撫孤成立均爲完節

生員何道伸妻劉氏道伸爲諸生早夭氏年二十六遺孤其虛幼矢節撫育後其虛舉明經官司李

周廷叅繼妻易氏廷叅卒京邸氏爲絕粒稍食

果蓏之屬經二十年人咸異之立夫姪應召爲後家政嚴肅柴瘠以終

甯文釗繼妻王氏適甯踰年而寡撫前室七歲孤如所生家貧以紡績自贍孀居五十餘年王家妻甯氏適王二年而寡無子且無姑大歸于甯灌蔬養母以老

甯惟志妻劉氏年二十六而寡善事舅姑孀居六十九年一女適蔣際明年二十四夫亡亦隨母守節以終

張明修妻羅氏年二十五明修故無子氏哀毀

衡州府志

卷之二十五

衡陽列女

六

遂絕粒閱十三載人疑爲仙尋患疫僵卧夢神授以藥頓愈復飯疏三十年終

歐述之妻王氏年二十餘夫卒遺二女一子甫歲餘守志撫孤成諸生女各適名門苦節五十餘年卒崇正間邑紳士以節聞於巡按宋賢旌之

生員鄒承蕃妻周氏承蕃卒氏年二十八勵節撫孤孤成諸生早世竟以煢獨終

甯以道妻謝氏年十八適甯歲餘而寡遺孤在襁褓中氏矢志完節以終

甯以揆妻將氏以揆沒氏年二十五矢節撫孤
備歷艱辛無渝志

左宗雄妻余氏崇正末遭亂爲遊卒所掠促之
行余以義不可辱道傍有井躍入以死

衛弁譚嘉言繼妻張氏嘉言爲衛弁前妻龍生
子鳳翔纔半歲而龍亡張育之若己出夫故張
爲鳳翔謀婚娶旣成襲秩爲百夫長郡守吳廷
正旌其門

生員陳秉道妾劉氏嫡卒遺子半歲秉道隨沒
劉年二十經紀喪事克盡誠信養嫡子如己出

衡州府志

卷之二十五

衡陽列女

七

值兵亂支持教子成諸生卒年九十三

生員陳一泓妻鄒氏年二十二夫亡遺二子俱
幼氏勵節撫孤以紡績資教育年八十二終

何氏

趙門某氏

按衡陽舊志坊表內載有明貞節何氏趙門
某氏二坊皆崇祀雖姓名弗詳未便遺也合
併載八

庠生李之芳母丁氏事姑及祖姑以孝聞嘉靖
四十年二月雷震裂其祖姑之柩屍汁逆流氏

泣吮之裂罅遽閉人以爲孝感郡人大常陳宗契題其像

劉世越妻熊氏年十九世越入贅甫二十八日歸拜其母暴卒熊聞輒欲奔喪曰吾不得見吾夫見吾姑死猶生也其父抑之不得行遂剪髮絕粒誓不欲生會姑歐以哭子幾殆遣人迎氏其父復令使者勿語未幾歐卒氏一痛幾絕遂自經死

甯以慈繼妻王氏萬歷初歸甯嫻於禮姑嘗寢疾王衣不解帶藥必先嘗雖極垢穢躬自洗滌

衡州府志

卷之二十五

衡陽列女

八

姑疾革願以身代時稱孝婦

包友榮妻鍾氏事姑性嚴氏曲意承合姑病疽氏吮之而愈

李跨鰲妻林氏跨鰲母謝節婦也跨鰲幼謝矢志教育登賢書時寇賊克斥謝從兒媳伏居髻龍山麓年五十餘得痿疾林侍養扶掖者十年跨鰲卒無子家益落林抑哀強色笑以安其姑采薇自給而別爲湯糜奉姑朝夕就床褥拊摩扶持謝賴以全者又十四年無何林卒姑哭林亦卒鄉人高其節孝遠近會塋者以數百計雙

瑩屹然遂名其山曰姑媳山

鄒榮華妻楊氏崇正中臨藍寇逼氏年二十一倉皇出走突與賊遇度不免遂赴水外

倪民恒妾劉氏崇正末獻賊陷衡氏年二十被執賊挈之上馬氏大罵不從賊劊其心而死

彭某妻孫氏獻賊陷衡氏年二十一匿複壁中賊欲曳氏出氏拒不從賊斷其手氏罵不止賊怒以戈擲之死壁中

生員鄒應昌妻劉氏獻賊陷衡氏與應昌匿石巖中賊索得之指應昌詰氏曰此爾夫耶氏欲

衡州府志

卷之二十五

衡陽列女

九

全其夫誑以非是賊將逼之罵曰死賊何敢犯我遂嬰刃死應昌獲免

生員張若瓊妻沈氏獻賊陷衡氏年十六匿山谷中已而還村被執賊餌以所掠金玉沈唾之觸刃而死

生員劉思文女名靜貞賊掠村中女年十二竄入廁室賊誘之出叱曰死卽死此出何爲揚糞濺賊賊以巨石中其額死

胡遵典妻譚氏獻賊剽掠譚被執不屈賊拔劍刺其腹以死

王啟乾妻周氏明末爲潰卒所獲將迫之氏碎磁孟截其喉死啟乾憾悼旬餘亦卒

生員伍一盈妻譚氏明末亂兵猝至睨氏氏大罵曰狗卒勿睨我速殺爲幸兵揮刃試之氏抗前觸刃死

何鳳翎妻鄒氏年十九矢節携孤兒避亂山中爲賊所執迫之不從兵怒殺其兒脅之氏罵不輟遇害

生員蘇斌妻馬氏隨夫避亂荒村夫病故值亂兵至猶守夫櫬被執拒罵不從兵揮刃連斫之

衡州府志

卷之二十五

衡陽列女

十

死柩旁

朱英武妻黃氏亂兵掠衡英武挈妻及兩女避亂被獲縛英武將燬之氏與二女同躍池中死越數日尸浮池面二女猶持母衣裾二女一曰工秀九歲一曰昭秀七歲聞者悲之

吳汝潤妻歐氏避賊山中被執罵曰死賊敢迫我賊怒刃其頰而去家人以藥療之得甦

周大衡妻胡氏時遊卒肆掠胡夫婦被執賊將迫之先射殺大衡胡抱夫尸痛哭賊持戈臨之胡大罵嚼舌血噴賊衣賊怒碎斫之里人合瘞

下茶橋羣鳥噪其墓者三日
聶萬和妻倪氏萬積妻譚氏時獻賊擄掠和積
携二氏奔南鄉至似泥塘遇賊倪執譚手曰此
水是我兩人死所遂並入水死

本朝

生員段獻綵妻丁氏年二十六夫卒遺子僅三
歲內外侵侮父母令改適以死誓事舅姑以禮
教子嚴厲撫前室二女如己出初獻綵沒其兄
弟恣意陵鑠後皆相繼亡丁顧以恩撫其子人
以是益賢之

衡州府志

卷之二十五

衡陽列女

十一

廖永泰妻許氏永泰早逝許甘貧守節撫二稚
子成立年逾九十皤髻弄孫人以爲苦節之報
云

貢生張國秀妻王氏順治戊子國秀暴卒於外
及櫬歸王號慟不輟遂死柩旁

生員張以任妻宋氏紡慧能誦女史年二十八
夫卒無子遂大歸於宋苦志二十餘年終

魏宗選妻游氏年二十五夫卒遺腹生一子矢
節不嫁撫子成立納婦周氏子年三十六卒周
亦遺腹生一子越再期而周亡游復撫孤孫成

立甫納婦而孫又亡年八十一卒

王印寧妻彭氏年二十夫亡誓不再醮服闋姑以改字試之氏斂容不答明日登夫塋號慟不已家人掖歸終無一言旬餘卒

生員鄒應遴妻王氏應遴暴卒氏年二十六矢志撫二子有成

生員華明英繼妻鄧氏年二十夫卒遺子僅數月鄧治喪畢投繯家人覺而救之遂毀粧操杵臼足不踰壺教子成立

生員歐鴻騶妻劉氏年十七歸歐無出順治五

衡州府志

卷之二十五

衡陽列女

十二

年鴻騶爲潰卒掠去翁年七十一慟而逝氏終翁喪遂祝髮衣緇皈心淨業持戒三十餘年卒丁奇珍妻史氏年二十一夫卒遺腹生子瓚氏苦節奉姑撫子無何姑以哭子致疾卒氏亦以哭姑絕粒卒

胡遇奇妻何氏遇奇早世遺孤未及齠家饒貲產爲族人蠶食幾盡氏苦節益堅子國珠領歲薦

胡奇才妻丁氏奇才早卒遺一子一女氏年二十四絕食飲數日姑抱幼兒泣勸止之冰操數

十年奉姑以毒終撫幼子成立

監生陳賓俊妻盛氏年二十八夫亡誓死守節
教子力學撫庶子如己出

曾惟庸妻譚氏年十四歸曾甫四月避亂匿叢
藪中惟庸爲遊騎掠去譚侍孀姑崎嶇百險幸
賴以全尋有自掠中歸者曰惟庸死矣氏哭之
哀姑曰兒亡吾安託遂改醮謂氏曰汝亦自爲
謀氏嗚咽不答明日盡以夫遺產及僮僕分子
族人毀粧茹檠獨居十六年惟庸忽還氏曰君
別十六年皆謂君已故今幸生還再奉巾櫛當

衡州府志

卷之二十五

衡陽列女

十三

成禮惟庸然之明日大召宗族置酒拜見略如
初婚後舉三子年七十餘終

生員王璠妻劉氏年十八歸璠康熙壬子璠赴
省試以疾卒氏年二十九哀毀骨立瀕死者數
值吳逆兵亂藏刀衣間以防變深遯窮山並運
璠所遺書隨之或謂此非急務氏曰使諸孤見
父遺書雖頑鈍猶可望其感奮也繼姑病疽扶
掖積月不離教諸孤不少姑息

譚振芳妻王氏年十九適振芳振芳卒氏年二
十六生一女一子次子秀璜尚在腹氏嚙指洒

血曰分當相從地下其如此藐孤何乃毀容矢志舅姑繼沒竭力殯葬

熊家慶妻劉氏年十九歸熊再期夫亡遺孤六月投繯者數次家人屢救之後吳逆踞衡氏携孤竄僻壤艱辛萬狀得以活全

生員王孟養妻姚氏孟養卒遺二子俱幼時值喪亂家計日落苦節撫孤長成諸生次明經副貢生周豐妻鄒氏豐早卒氏年二十八孀居孝養舅姑食貧課子次子命圭領鄉薦

周夢齡妻洪氏年十九夫卒誓死自守朝夕侍

衡州府志

卷之二十五

衡陽列女

十四

姑左右共寢食者二十七年姑卒執喪骨立撫夫兄子鬯爲嗣教之成諸生

劉其祥妻許氏年二十一而寡矢不再醮及二子旣娶復相繼夭氏率婦撫諸孫守節年九十卒

謝鳴鶴妻王氏年十六歸謝舅亡姑寡氏事姑孝生一子年二十夫卒鬻產以葬貧益甚夫亡五月遺腹生次子有請婚者以死拒之辟纊奉姑姑疾泣禱求身代及姑卒竟以哀泣喪明生員王章妻胡氏年二十二而寡時兒在襁褓

翁復衰老氏操作奉湯藥舅卒喪葬如禮吳逆之亂母家勸改適氏嚙指自誓自是齋食以爲常

生員王天歷妻魏氏康熙甲子天歷應鄉試卒於武昌氏年二十一聞計勺漿不入口櫬還以頭觸棺血流被面日夕哭成疾卒

陳仁言妻劉氏年二十二夫卒子甫半歲氏哀毀瀕死者再未幾翁卒於郡家無能扶櫬歸者氏携幼孤披髮徒步奉櫬所過皆憐之子娶婦復天撫諸孫

衡州府志

卷之二十五

衡陽列女

十五

生員王端樞妻謝氏年二十二夫亡無子翁姑繼沒家計蕭條氏紡績牧畜營葬翁姑母欲奪其志氏操刀自剄幾斃乃撫伯氏子啓祐爲嗣教之膺歲薦

劉邦僕妻周氏年二十三夫故遺三月孤姑與母勸令改適氏以死誓及姑沒繼姑曾年相若氏事之甚謹翁亡與曾相依子惟忠成諸生又早卒媳胡氏亦矢志同守

全孟瓊妻譚氏孟瓊病篤氏顛天乞代及卒氏年二十二哭三載不絕服闋父母憐其少且無

子令他適遂自經家人救之乃撫姪仲遠爲嗣以女紅自給

生員丁士晏妻蕭氏年二十八夫卒遺孤四歲父母使人微諷之氏泣不從盡以家政屬姪名瓚終日鍵戶督教諸兒瓚成諸生

曾福俊妻趙氏年二十二夫故舅姑繼沒氏扶櫬百里祔葬祖塋會流寇蹂躪有迫氏改適者氏以死誓兩孤年數歲延師督課長子昕成諸生

生員馬師俞妻洪氏師俞臨終謂氏曰吾沒若

衡州府志

卷之二十五

衡陽列女

十六

爲我代供子職後乃聽若所之氏泣以死誓時年二十三一子偶龍尚幼未幾翁姑繼亡氏經理喪事如禮以節終

方嘉潮妻王氏年十八適嘉潮嘉潮就試天於郡絕粒七日又屢自經父母迎歸勸之氏曰夫死吾何忍獨生未幾病仍歸夫家曰吾死爲方鬼與夫同穴耳四十九日不語亦不食卒

鄒時魯妻徐氏夫沒子方二齡氏慟幾絕家貧織紵自給子長娶婦生孫子又夭孀媳孤孫相依爲命

廖正鑑妻袁氏年二十八夫亡撫孤守節聲影
不出戶織紉教子茶槩自甘年六十一卒
生員唐應位妻廖氏年二十四而寡遺兩孤舅
憐其少欲奪志廖以死誓日勤紡績以供菽水
課讀費長子汝封入學卽物故次子汝邽又早
殤復與其媳陳氏苦節撫孤孫成諸生年八十
卒

朱明績妻劉氏年十九夫沒遺兩孤父母謀令
改適遂誓不歸寧姑卒舅老歲大歉氏捋茶口
食而以白粲奉舅旣爲二子納婦一日呼至榻

衡州府志

卷之二十五

衡陽列女

十七

前曰吾從汝父地下矣一慟而卒

羅鳳揚妻倪氏年二十五夫故遺孤四歲苦志
撫育及抱孫而子沒與媳雷氏相依以節終
羅繩祖妻何氏年十九夫故姑雷氏亦孀居何
繼其志以孝養聞

鄒和萬妻李氏年十六歸和萬和萬亡氏搶呼
欲絕仲妣王氏溫言諭之乃飲泣治喪撫夫兄
子以節終

生員周郜繼妻郭氏年二十二歸郜郜亡有前
妻子命服甫三歲郭撫育教誨後領鄉薦

生員劉起騰妻周氏年十六適起騰未幾起騰卒無子舅姑與母兄弟欲嫁之氏遂樓居誓不履地孀居二十餘年卒

周濟楚妻廖氏年二十二適濟楚生二子一女俱幼而夫沒母家以富聞嘗避亂婿家寇盡劫其資並欲挈氏氏觸石流血寇斫其左臂去家人救甦家徒壁立食貧育子年六十八卒

沈中柱妻楊氏沈早卒遺孤二氏年二十餘家貧苦節紡績以給饘粥時或竟日不舉火勉撫孤克俾成立

衡州府志

卷之二十五

衡陽列女

十八

王斌寧妻劉氏年二十五夫故矢志靡他遺孤朝鼎甫百日撫育成立

華明弼妻劉氏明弼慟母棺遭火號泣卒氏觸屏幾死伯鄧救甦子二次士捷薦於鄉

王大國妻馮氏年二十四夫故歷盡艱辛教二子成立氏胞兄正琳有遺孤氏兼育之學成歸宗

王朝武妻歐陽氏年二十四夫亡茹荼鞠孤父母雖存未肯歸寧年四十七卒

孫國相妻周氏國相捕魚爲業氏事之敬國相

亡氏年二十六一子歲餘父母欲奪其志氏泣曰孫氏三世只此一兒且姑老將誰依遂絕跡母家苦節奉姑壽終

王政寧妻周氏年二十七夫亡一子半歲氏矢節奉翁姑撫子成立貯粟以周鄉里

劉興僕妻周氏年二十夫故矢志靡他奉事舅姑教子隆珙成諸生

王京元妻羅氏年二十九夫沒撫遺孤三成立年八十六卒

劉承瑞妻徐氏年十八適承瑞生二子皆不育

衡州府志

卷之二十五

衡陽列女

十九

九年而夫沒撫族姪又亡有女適同邑李維魯依李以終其身

陳汝奇妻張氏汝奇沒遺孤三歲家極貧或諷之氏叱曰吾豈怕凍餓死乎避吳逆亂絕粒七日有欲奪志者輒指水爲誓娶媳患病代哺幼孫艱辛萬狀子賡志歲貢生孫範諸生

生員王亨寧妻唐氏年二十四歸于亨寧亨寧亡遺孤長六歲次纔七日氏撫育成立以節終生員張烈妻唐氏年二十六夫故遺腹子亮敬奉翁姑延師教子成諸生年六十六卒

歐陽昭妻唐氏昭應試卒旅舍氏年二十三勺飲不入口姑強起之乃乳其半歲女依姑寢食姑亡哭之哀女適丁

廖惟柱妻徐氏年二十五夫故一子在襁褓家甚窶舅姑年老氏勤紡績生養死葬如禮苦節五十八年

生員蕭鳴珮妻周氏鳴珮遘疾氏侍湯藥三載夫亡遺孤二時氏年二十七父勸改適氏慟哭不已姑成其志氏奉養不懈後翁姑相繼亡喪葬盡禮次子又夭教育諸孫瓚成諸生

衡州府志

卷之二十五

衡陽列女

二十

唐本愨妻陶氏年二十六夫亡矢節撫孤教子旭孫傳心成諸生年七十三卒

鄒致餘妻楊氏年十九歸鄒未匝歲夫亡遺腹舉子誓不再醮孝翁姑和妯娌家貧節益厲劉禮復妻周氏年十九夫亡舅姑勸改適氏斷髮以誓歸依母舅姑沒氏歸劉終喪年六十五卒

曾必成妻鄒氏年二十一夫亡無子舅姑勸之他適氏歎曰生不能免死則已矣遂自經姑救得甦撫伯氏子奇榮爲嗣

劉邦憲妻馬氏年二十二夫亡無子斷髮矢志
撫姪爲嗣

鄒乃英妻楊氏年二十六夫亡遺子二女三舅
姑以貧苦勸之改適氏誓死守及幼女旣嫁氏
曰今可從夫地下矣嘔血數升卒

康以定妻李氏年十八夫疾李指天以死誓夫
旣沒父母以其無子謀嫁之李走詣夫塋慟哭
因成病死

謝紹弼妻蕭氏年十九夫亡無子矢志守節年
五十卒

衡州府志

卷之二十五

衡陽列女

二十一

王飛熊妻童氏年十六歸飛熊生二子一女飛
熊卒氏年二十八奉孀姑撫孤子值吳逆之變
以女工度日者十餘年

楊某妻唐氏年二十餘夫妻同業於田畔忽虎
攫其夫氏拉虎尾凡三踰嶺終得脫負夫歸氏
亦傷左臂夫數日卒守節不二

生員廖章妻魏氏事舅姑孝謹夫沒撫二孤成
立雍正五年旌

張六鰲妻王氏年二十適六鰲生子三歲六鰲
亡氏水漿不入口將謀自經姑曰獨不念孤兒

耶氏曰夫亡與亡孤兒自有姑育也母迎之歸終絕粒卒距鰲亡六閱月

游子偉妻曾氏年二十八生子二夫客滇音問不通有言夫已病故者勸其改醮氏苦守依胞弟某同居某亦貧氏勤紡績令子務農得娶媳至老有自滇來者告夫所在氏命次子迎之夫歸氏已病篤矣

生員李正白妻鄧氏年十四歸李事繼姑盡禮年二十九夫亡矢志撫孤子天民成諸生年七十餘卒

衡州府志

卷之二十五

衡陽列女

二十二

生員顏霽妻楊氏霽早卒楊自刎者再家人救甦日勤紡績奉舅姑殮葬盡禮終身足不踰閭年七十八卒

生員羅錦乾妻蔡氏年二十九夫亡遺子士璫九歲矢志守節紡績奉翁姑士璫成諸生

李國位妻唐氏年二十四而寡無子氏苦守撫姪承祀

生員鄒秉正妻胡氏年二十九夫亡遺子八歲氏事舅姑祖姑俱以孝聞壬午宅火氏從烈焰中負祖姑出髮面皆燬癸巳河水漲溢氏拊夫

樞悲號水幾滅頂卒得無恙

魏國鉉妻宋氏適魏生一子甫二歲而夫亡氏年十九矢節撫孤年七十二卒

黃德生妻胡氏年二十四夫亡舅姑老子纔半歲氏矢志奉養撫育值吳逆亂遠避他所裹糧將盡氏與子啜糟糠而治饗殮奉翁姑

羅成榮妻廖氏幼字成榮甫笄成榮患肺疾請入贅合卺之夕病不能行禮夫婦異處三宿而夫亡人以廖仍閨秀議再醮廖曰女從一而終若舅姑不諒有死而已乃茹齋誦經勤女紅以

衡州府志

卷之二十五

衡陽列女

二十三

養翁姑撫同姓子仕朝爲嗣

王之冕妻張氏年二十四夫卒遺孤三氏截髮焚夫靈前曰分當相從爲弱息計得後死扃戶勤紡紉課其子俱成立

劉添美妻陳氏夫亡年二十四誓死守值吳逆亂撫三子依姑匿窮塢自與子食粥而奉姑精飯姑得年八十餘

生員鄧世正妻鄒氏髫年適鄧善事翁姑姑沒事繼姑尤謹夫早卒有謀奪其志者氏與繼姑急白之官獲免撫孤衍泗成立

朱慧欽妻涂氏年二十五夫沒有族姪孫擠之改適謀其資產氏矢志金石卒不可奪戒其子絕遠匪類氏以節終

蔣仲馨妻王氏生一子夫卒未幾子亦亡居無片瓦食無升斗以針績度日敬奉祀事不衰

周士馥妻謝氏年二十三夫卒遺孤二誓死守勤紡績以事翁姑教子成立年逾八十

王朝英妻吳氏年二十七夫亡舅令氏兄勸之他適氏不從育孤成立苦節四十餘年

高以聯妻周氏年十八適以聯數月以聯客黔

衡州府志

卷之二十五

衡陽列女

二十四

越五載歸生一女兩歲以聯亡氏哀號不輟服闋斷髮自誓撫孤姪爲子又天惟一女相依終身

楊耀祖妻唐氏年十八夫亡遺孤僅十四日氏矢志育孤年逾七十

鄧啟仁妻王氏年十二適鄧甫一年夫亡翁姑憐其少恐不能終志氏誓死不移以紡績自給孝事姑祖姑撫姪杰成名年七十

譚繩祖妻蔣氏年二十七夫卒遺一子誓死靡他食貧養姑教子孫孫德愷成諸生

盛世伋妻蘇氏年二十一夫沒家貧一子早亡
撫二孫以苦節終

周濂妻賀氏年二十八夫卒生二女無子氏矢志苦守足不出壺撫姪洪吉教之成諸生

郭昌裔妻劉氏年二十一夫卒堅志守節孝翁姑撫育二孤次子開緒入學

王良玉妻唐氏年二十八夫亡矢節撫孤

熊光楚妻唐氏年二十八夫卒未幾子又沒婦生遺腹孫亦殤氏以苦節終

周逢元妻曹氏年二十七夫亡矢節撫二孤

衡州府志

卷之二十五

衡陽列女

二十五

劉興儒妻羅氏年二十七夫亡矢節事翁姑撫孤隆璪八國學

蕭佳俊妻顏氏年二十七夫卒一子炳甫四歲氏矢節事舅姑撫孤成立縣令旌其門

蔣景蘇妻唐氏年二十四夫卒矢不他適勤紡績事舅姑以節終

王正魁妻雷氏年二十七夫亡矢守年七十二卒

唐端遜妻劉氏夫卒投繯者再哭泣無時足不出戶數十年不御紈綺督學李周望旌其門

王百拙妻唐氏年十九夫亡遺孤長甫三歲次
僅五月氏辛勤育二子成立

唐少伯妻曾氏年二十八夫卒氏苦節撫孤垂
五十年乾隆十一年旌

彭茲受妻龍氏年二十八夫亡遺孤允恭越月
遺腹生允敬氏守節茹荼四十餘年如一日

彭三捷妻宋氏年二十七夫卒子興佑甫半歲
時兵燹初熄氏罹凶閔矢節不二孝養翁姑喪
葬如禮撫孤成立年七十三

鄒履嘉妻吳氏年二十九夫亡值兵燹翁姑繼

衡州府志

卷之二十五

衡陽列女

二十六

沒鬻奩具以葬苦滇寇蹂躪竄無寧晷猶日手
一編以課子長子生崑領鄉薦

蕭瑞生妻賀氏年二十七夫卒值兵燹初熄礪
志奉舅姑撫孤子年逾八十

鄧衍慶妻鄒氏年二十六夫卒遺孤七歲氏毀
容守節躬紡績延師課子苦志四十餘年

生員賀士瑗妻何氏年二十七夫卒哀擗瀕死
者數孝事舅姑教三子皆成立

□國琛妻劉氏琛病革謂氏曰身後惟若意氏
□髮以誓夫沒孝奉舅姑足不踰閭遺孤又亡

撫姪爲嗣

生員李國俊妻周氏夫病三載親嘗藥餌禱天願以身代夫卒勺水不入口者數日親至夫塋搶地瀕死孝事翁姑喪塋盡禮國俊兄早逝弟國偉國位國儲皆幼氏皆爲婚娶無何相繼亡偉妻胡氏位妻唐氏儲妻李氏年各二十餘皆同心守節

萬德娘妻蕭氏年二十四夫卒僅遺一女翁姑早逝氏矢節養祖姑族人覬其腴產危言以動之氏卽以腴者分給畱薄田自贍及祖姑沒女

衡州府志

卷之二十五

衡陽列女

二十七

嫁遂歸母家完節

李公亮妻周氏年二十九而寡遺子半歲氏矢節撫孤捋荼茹檠以養孀姑孤世贊成立

王廷鑑妻李氏年二十四廷鑑卒遺孤三氏矢節備歷艱辛教育其子年六十四

鄭子斌妻龍氏年二十五夫卒矢志育兩孤年

七十三

通志鄭鄒作

陳文箕妻黃氏年二十七夫卒遺三歲孤甘貧矢節奉姑教子家再被火嘗露處經年艱苦備歷終始不渝

曾惟新妻李氏年二十六夫亡矢節事姑育子
維勤

曾榮秩妻資氏年二十七夫卒毀容矢志與孀
姑同寢處值滇卒肆掠姑令氏他避氏泣不從
乃剪髮作侍兒狀抱子掖姑匿狸窟中裹糧以
膳姑而已與子忍饑者數日卒免於難

曾惟益妻王氏年二十一子方誕而夫卒苦節
撫孤既納婦抱孫而子婦俱夭復撫孫成立
生員歐陽選拔妻賀氏年二十八夫亡守節孝
事舅姑生養死葬無違禮撫遺孤有成

衡州府志

卷之二十五

衡陽列女

二十八

王寧思妻蕭氏年二十七夫沒欲以身殉孀姑
泣止之遂斷髮茹素撫三子成立

沈邦衡妻孫氏年二十八夫亡矢節撫兩孤霜
操凜然年七十三卒

唐公一妻傅氏年二十三夫亡矢節撫孤年七
十卒

羅伯俊妻賀氏年二十九夫卒遺孤方弘賀斷
髮矢節課之成諸生爲娶成氏未幾方弘卒成
年二十七與姑同心守節

生員黃壘繼妻劉氏年二十于歸未期而夫亡

劉無出前妻李有二子劉矢節撫之成立
程德達妻汪氏年二十二夫亡姑老子幼氏矢
節不移家貧勤女紅以資養育其子有成
生員甯逮隆妻王氏年二十七夫亡矢節事姑
克孝教二子成立
蕭大華妻蔣氏年二十四而寡遺孤五齡矢志
守節備歷艱辛
蕭美琨妻盛氏年二十六夫卒遺子三氏哀慟
瀕死念孤老子幼矢志守節事繼姑存沒如禮
教二子皆能文

衡州府志

卷之二十五

衡陽列女

二十九

生員甯巖妻歐陽氏年二十四夫卒誓死守值
吳逆亂苦持家政教子昌言成諸生

謝廷蔚妻郭氏孝事翁姑病則奉湯藥不避垢
穢年二十九夫沒矢節育孤有覲其產者疊搆
難氏從容御之終成雍睦督課諸子耕讀各成
其業遣僕歸宗嫁婢良家子尤婦人所難

通志
謝作

劉

劉南臯妻洪氏年二十二而寡遺一孤尚幼氏
矢節撫之孤復夭氏節益堅

監生楊士進妻劉氏年二十八夫卒子半歲氏

斷髮毀容矢志奉姑撫子姑沒子復天婦蕭氏
矢同守撫三孫成立

生員盛又光妻龍氏幼侍母病禱以身代母旋
愈及笄于歸事翁姑并繼姑盡孝敬年二十九
夫卒矢志不二勤女紅以老

伍純武妻甯氏年十八而寡遺孤僅數月氏矢
節食貧育其子成立

生員李國元妻梁氏年二十九夫卒遺一子時
夫柩在堂火延及宅氏以身附柩誓死烈焰忽
見赤衣神拂袖滅火得無恙又姑病劇禱神乞

衡州府志

卷之二十五

衡陽列女

三十

代姑夢神曰汝婦孝格汝瘳矣節孝之感如此
谷君瑞妻彭氏年二十七夫亡守節育孤鄉里
賢之

生員顏帝臣妻鍾氏年二十八而寡遺孤二齡
氏矢節奉舅姑育孤成立

生員李紹侃妻周氏年二十八夫卒無子撫姪
承祀備嘗苦辛矢志不二

黃撫楚妻尹氏年二十九夫卒矢志撫孤家故
貧旋避吳逆亂掖姑抱子奔竄山谷間顛沛不

渝

張聯詔妻姚氏年二十三夫卒遺孤三歲母以其年少家貧憐之氏悲號至夫墓搶地痛絕卒不能奪事翁姑維謹身素病必力疾奉晨昏及服翁姑喪殯葬無違禮

周可聘妻胡氏年二十而寡矢志撫孤奉堂上甘旨歷困厄不渝厥志

劉粹忠妻唐氏年二十八夫亡孝養舅姑撫孤兒及孫成立志操堅白

監生張浩妻祝氏年二十二夫卒遺腹生女撫姪爲嗣氏幼曉文義自撰誓詞刻夫墓碑延師

衡州府志

卷之二十五

衡陽列女

三十一

教子成名

劉德還妻陳氏年二十四夫卒斷髮毀容誓以死守子沒撫二孫食貧苦節年逾八十

生員周時俊妻梁氏年二十四夫沒誓死不二孝事舅姑教育二子閨門肅然

張榮球妻汪氏年二十夫故遺孤尚在襁褓氏矢志事舅姑育孤成立

譚兌昌妻李氏年二十四夫亡有欲奪其志者氏奔夫墳剪髮誓死終舅姑喪撫孤成立

監生劉永宰妻丁氏年二十五夫故遺腹生子

氏矢志撫孤冰操凜然

謝容正妻甯氏年二十五夫卒遺孤三歲父母勸改適氏誓死守節終身

陶世典妻謝氏事翁姑克孝年二十九夫亡誓死無他撫二子成立

歐陽選撰妻賀氏年二十一夫亡遺腹生子矢節撫育節操凜然

生員劉光沛妻呂氏年二十八夫卒苦志守節撫二子成立

甯明坤妻何氏年二十適甯九月而寡遺腹生

衡州府志

卷之二十五

衡陽列女

三十二

子食貧撫育貞操不渝

通志坤作

生員劉芳澤妻胡氏年二十三適劉甫兩月夫卒遺腹生男矢志撫育及冠又夭撫姪爲嗣苦節三十餘年

陳宗選妻洪氏年二十五夫亡遺子四氏矢志事孀姑督課諸子年六十八終

羅章經章綸章緯章純同胞兄弟也經妻丁氏年二十七經卒矢志撫孤凝華納婦陳氏生一孫凝華天陳誓同姑守綸妻顏氏年二十一綸卒無子父母命改適誓不從乃撫族子爲夫後

緯病革妻趙氏自傷潛吞滷誓同穴婢覺誠勿洩緯沒悲號疾作而卒時年二十五純妻劉氏年二十一夫亡無出以撫子請於姑姑諭之曰守節非易奈何必效丁顏二氏氏曰正欲與丁顏同侍膝下否則行蹈趙氏所爲耳姑乃命撫姪承華爲後一門五節婦人咸稱之

陳訓妻成氏年二十五夫故遺孤僅半歲氏矢節事衰姑苦教孤子母家僅隔數里未嘗一歸寧

生員王百訓妻劉氏年二十四夫卒子福晟幼

衡州府志

卷之二十五

衡陽列女

三十三

遺腹生福早氏矢節撫育無何福晟夭教福早成立備極艱辛志操彌厲

熊廷奇妻鐘氏年二十七夫故誓死靡他家貧子幼勤紡績以資婚教翁姑繼沒塋祭如禮

黃國相妻唐氏年二十四而寡遺孤三歲或勸改適氏以死誓孝事舅姑教子成立

伍三才妻譚氏年二十五夫卒一子尚幼氏矢節撫孤無何子又夭復撫孫成立

蕭良牧妻洪氏年二十六而寡遺孤一歲氏苦志教之成立

陳日章妻郭氏年二十九夫故矢志不二教二子有成

劉汝爲妻留氏年二十八夫卒二子俱幼無翁姑叔伯零丁孤苦氏矢志撫孤無何長子天偕婦蕭氏同撫孤孫冰操如一

熊夢陶妻陳氏年二十四于歸甫百日有娠夢陶出貿洪江已而生子及長爲之婚配閱十有八年夢陶計至氏哀慟不欲生命子扶櫬歸

謝以仁妻鄧氏年二十二夫故泣血幾喪明僅生二女無子撫子復天又無伯叔兄弟惟與祖

衡州府志

卷之二十五

衡陽列女

三十四

姑及孀姑相依親營夫墓留其右以俟同穴並置祭田以奉先祀

李承永妻成氏年二十九夫沒毀容矢節聲不聞戶外教育孤子成名

王孟巽妻范氏年二十四夫卒遺腹生子志科氏毀容誓守家僅薄田十畝及志科長授室家益貧口不再食以爲常

陶世章妻李氏年二十八夫卒遺腹生子氏矢志苦守事姑孝撫孤成立

劉定生妻張氏年十七適劉二十二舉一子夫

往滇二載卒於旅舍氏矢節撫孤備嘗艱苦
倪孫備妻劉氏年二十三夫卒子方乳哺輒自
縊以殉家人救之乃強起養姑撫孤年五十二
卒
李報瑤妻周氏年二十有娠而夫沒彌月生男
遂矢死育孤雖炊烟不繼始終不渝
謝啟鉉妻何氏年十九歸啟鉉已卧病越三
載沒無子氏矢節事舅姑撫姪繼夫後舅姑沒
喪葬如禮

衡州府志

卷之二十五

衡陽列女

三十五

誓死養姑教子備歷艱辛

龍興祐妻丁氏年二十八夫沒氏矢志事舅姑
教二子成立又嘗厝叔棺置祭田以奉祀設義
學以育族之俊秀

李國備妻王氏年二十六夫卒遺二孤俱幼氏
誓不二志姑病卧牀氏扶持無少懈歲歉則爲
粥自贍而留有餘以濟貧乏長子德昂補弟子
員

生員胡國翼妻張氏年二十夫卒遺孤半歲氏
泣血誓死時惟衰姑在堂旁無期功之親零丁

子立奉老撫孤備歷艱辛教子正朔成諸生
陳代樹妻張氏年二十七夫卒無子翁姑以貧
故欲令改適氏矢死不易撫姪承祧族人憐其
貧歲周以穀氏另爲積貯以資翁姑棺殮費而
自茹荼如故
熊開食妻何氏年二十適熊甫三月夫卒矢志
靡他孝事孀姑撫姪承祀教之爲儒
蔣國相妻王氏年二十四夫卒月餘舅姑繼沒
家徒壁立經紀三喪艱辛萬狀無子惟弱女相
依炊烟常不繼而霜操愈堅

衡州府志

卷之二十五

衡陽列女

三十六

生員蔣豈凡妻蕭氏年二十六夫亡矢節甘貧
紡績奉孀姑教子成立

羅宗僖妻黃氏年二十四夫亡遺孤祖貽矢節
撫之無何祖貽夭亡復撫姪爲後宗僖弟宗英
妻王氏亦二十九而寡誓不再醮教子祖烈既
入學而天矢志不二人稱一門雙節

羅金聲妻孫氏年二十九夫卒僅遺一女無子
有議令改適者氏輒投繯赴水至再四議乃寢
及女長贅壻食貧苦節以老

梅成武妻謝氏年二十八夫亡遺腹生子誓死

守節食貧撫孤

生員王永綿妻鄒氏年二十三夫卒舅姑垂白
孤子尚幼矢志苦守侍姑病七年不少懈教子
讀書成立

張家試妻朱氏年二十五夫卒遺孤襁褓家甚
貧母氏諭令改適氏携孤泣曰夫家兩世單傳
惟此孤繼一綫耳幸憐而善撫之遂赴水其叔
急救之母意遂寢孀居四十餘年撫孤成立
畢開周妻王氏開周失恃教育於氏父端紀因
乏嗣納爲贅壻無何開周沒氏年二十四長子

衡州府志

卷之二十五

衡陽列女

三十七

方四歲遺腹又生一子氏日夕哀號幾不欲生
以父母老強終養教其子有成

王廷純妻宋氏年二十二夫卒無子撫姪爲嗣
誓死苦守事翁姑克孝

丁首生妻廖氏年二十五夫卒家窘或勸改適
引刀自誓紡織課子年七十餘卒

熊則渠妻何氏年二十三夫卒無子撫姪爲嗣
孝養孀姑茹苦四十餘年

羅士宏妻雷氏少年喪夫孝奉孀姑辛勤紡織
撫孤成立後次子承祖天亡媳樂氏年二十七

奉姑訓子克承姑志人稱一門雙節

生員周命穀妻劉氏年二十六夫亡氏勤紡績
供孀姑甘旨訓子成立

陳振年妻歐氏年二十四夫卒誓不獨存以姑
老子幼翁殯在原強延視息及翁姑喪塋畢孤
子鴻猷稍成立氏竟以積哀疾卒

王乃吉妻歐陽氏年二十九夫卒撫孤守節孝
奉舅姑無何二子連喪氏勉慰孀媳撫孤孫成
立

王百詮妻周氏幼稍通經書事父母孝及歸百

衡州府志

卷之二十五

衡陽列女

三十八

詮雞鳴佐讀百詮得入學百詮沒氏年三十長
子福暉方九歲次福易方七歲氏呼天自盡姑
覺救之踰時方甦翁姑年老氏事之如所生教
子福暉食餼於庠嘗歸寧見道旁有敗棺卽訪
其家資金助之塋凡有義舉則亟命福暉等襄
之

周統新妻羅氏年二十九夫沒氏焚粧破鏡欽
從地下時統新之子適王亦孀居守節勸以撫
孤羅乃矢志教四子成立事舅及繼姑克孝舅
姑老疾氏扶持床褥數年如一日

謝尚金妻許氏年二十九夫亡守節三十四年
乾隆三年旌

周若儼妻曾氏年二十一夫亡守節乾隆八年
旌

生員劉惟忠妻胡氏年二十六夫亡守節乾隆
八年旌

祝惟藩妻歐氏年二十二夫亡守節乾隆九年
旌

楊正晃妻彭氏年二十一夫亡守節乾隆十年
旌

衡州府志

卷之二十五

衡陽列女

三十九

周楊沛妻彭氏年二十一夫亡守節乾隆十年
旌

李陞庠妻唐氏陞庠應童子試沒於郡城氏殉
節死乾隆十一年旌

王仁懷妻徐氏年二十三夫亡守節乾隆十一
年旌

生員魏藻妻李氏年二十四夫亡守節乾隆十
三年旌

生員蔣文詠妻張氏年二十四夫沒氏矢志守
節課子一琥成立

陶作楷妻胡氏年二十四夫亡守節乾隆十四年旌

監生周若燦妻李氏年二十三夫亡守節乾隆十四年旌

王之福妻全氏年二十九夫亡守節乾隆十四年旌

吳興鍾妻許氏年二十九夫亡守節乾隆十五年旌

楊永緒妻蕭氏年二十一夫亡守節乾隆十五年旌

衡州府志

卷之二十五

衡陽列女

四十

盛時治妻李氏年二十一夫亡守節乾隆十六年旌

劉盛光妻陳氏年二十夫亡守節乾隆十六年旌

宋圖學妻周氏年十九夫亡守節乾隆十七年旌

楊興憲妻夏氏年十七夫亡守節乾隆十七年旌

蔣國植妻王氏年二十七夫亡守節乾隆二十年旌

監生黃鈞妻鄒氏年二十八夫亡氏剪髮斷指
納棺中矢不二母氏欲嫁之氏引刀斷左手中
指卒全其志時翁已先逝事祖姑及繼姑調護
維勤撫孤子成立

李家源妻盧氏幼誦內則年二十二夫沒僅遺
一女氏矢守撫姪良倬爲嗣教之成立姑老患
痰疾氏晨夕侍奉不稍怠夫兄弟三人俱繼娶
氏處之有道妯娌無閒言舅姑喪祭以身先之
備極誠信

王天道妻梁氏年二十二夫亡氏椎胸幾瀕死

衡州府志

卷之二十五

衡陽列女

四十一

時梁方有遺腹母氏以其年少密謀改嫁富室
氏聞之閉戶禿髮批頰血流被襟異議始息又
六月幸生子百孝矢貞撫孤足未嘗踰閩年三
十七竟以憂勞成疾死死之日姪孫男女哭之
如失慈母

王正綜妻蔣氏年二十一夫沒長子天傳次天
傑尚在遺腹舅姑以其年少微諷之氏截髮誓
死舅姑沒哀毀骨立課孤子嚴而有法里黨賢
之

顏惟恂妻蔣氏妾趙氏蔣年二十九惟恂沒不

食者數日姑強慰之乃截髮示無他志時趙年方二十二或勸之曰若固與蔣殊也趙引刀斷其指矢不二家甚貧兩人茹苦終身無閒言王羨予妻曾氏羨予早歲從軍家計蕭然曾二十六歲而寡侍翁姑撫二子長光祖充衡協標百總繼父業乾隆三年建坊周如章妻鍾氏二十八歲天亡無翁姑妯娌僅存三孤有勸改適者引繩自縊母力救之乃甦乾隆四年建坊

譚德愈妻范氏及笄歸德愈不圖新臺再刺范

衡州府志

卷之二十五

衡陽列女

四十二

捐軀完節越十餘日顏色如生知縣傅學灝廉得其狀乾隆四年詳請建坊

儒童范廷燕妻劉氏于歸半歲夫亡無子冷齋旅櫬相依九年及南還舟至衡陽白鷺江命婢捧水沐浴坐帷中將週身衣裳密縫夜半自溺逆流數里得其屍於夫塋處纖泥不染

廖呈霽妻吳氏舉人宗堯之母年十六歸廖時姑年尚壯吳謹事之如老人吳年二十五生宗堯患乳癰姑每夜過室哺之氏跪抱其兒迎於房次吳年二十六遘疾就醫母家臨終時以不

見姑爲憾是夜姑夢叩門曰吾吳氏來見姑也相與大哭而覺

劉以忠女名阻質穎慧方及笄母黃病劇女割臂和羹母得痊後歸包門無出年二十三卒監生張時敷女名際姜幼字趙萬善尚未歸生母陳早世繼母劉病劇醫藥罔效女割股肉爲餌以進母病獲痊

按以上二女通志皆未載而舊志有之仍列於右

周應栢妻陳氏年二十三應栢卒遺兩孤值遊

衡州府志

卷之二十五

衡陽列女

四十三

卒焚掠舟載兩孤倉卒由耒江走郴兵至知不免命兩孤登岸遂躍入江死

曾儒宗妻孟氏夫早亡孟敬事舅姑居喪循禮順治初爲遊卒所掠孟誘之曰吾金儲室偕歸可得也時携老蒼頭同行遇池水奮身躍入死卒怒裂其尸並殺蒼頭

陳太華妻王氏避兵白石峰爲潰卒所執欲辱之氏罵賊觸刃而死

鄒應逢妻周氏順治戊子爲賊所執氏引刀刎頸血濺草間賊驚去遊卒復至自抉其喉死

胡某妻張氏爲遊卒所掠投池死

劉光壁妻丁氏潰兵肆掠光壁挈丁避兵衡山
之小泉鄉舉家皆被執丁匿櫪中得脫泣曰夫
入不測吾何愛餘生乃納石衣裾沈水死

伍星燦妻洪氏潰兵入伍宅殺氏翁姑及夫三
人氏匿暗壁間聞變亟奮前裂背厲聲罵賊遂
奪刃自刎死

生員胡价妻鍾氏明末亂鍾預以死誓於价价
猶未之計也壬辰冬兵至鍾與价匿叢藪中寇
獲之將逼鍾奮臂躍入深澗中寇連刃之而

衡州府志

卷之二十五

衡陽列女

四十四

去氣猶奄奄价掖起將覓療之鍾慮復及竟解
帶自經死价遂祝髮南嶽山釋名寂貴

余大中妻蔣氏順治壬辰值兵變大中自縊越
三日計至蔣自刎死

羅明寰妻吳氏順治九年遭李定國之難完節
赴水死明寰感其義終身不娶

丁士昇妻左氏順治九年李定國之亂氏同幼
女被執強之行氏棄女水中遂以頭觸樹死

劉聯昇妻周氏吳逆之變潰兵四掠聯昇與母
妻相失周年十九負一歲兒瑞陔與姑匿叢薄

中下臨溪谷兵且偪周投溪中死姑與兒得無害

劉惟士妻黃氏劉天黃矢死奉姑有捐貢某以厚貲賄聘之氏登樓自縊里人競爲詩弔之丁一烱妻歐陽氏氏母孀居無子贅一烱於家生一子一烱遊粵死於郴州計至氏撲地頭裂絕飲食而死

胡定漢妻周氏定漢沒無子氏欲撫子爲夫後舅姑以其年幼不許氏自經死

聶元良妻劉氏元良沒無子氏投室傍池中溺

衡州府志

卷之二十五

衡陽列女

四十五

死

唐之揚妻廖氏年二十二夫亡無子翁姑以家貧謀改嫁陸姓氏聞自經死

江有容妻黃氏年三十夫卒遺二子長六歲次三歲夫兄素無賴謀鬻其子以氏在弗能逞乃嗾媒人某金將掠嫁之氏聞懼見辱又慮身死將遂鬻其子乃縊其長子沈其次子於水而自經氏父鳴於官懲其夫兄而塋氏及二子於有容之墓碑曰四人墓

按黃氏忍於二子似不可爲訓而強橫凌偪

愚婦無術自全其志亦復可矜舊志通志俱
詳述共事今仍附載

某姓名闕

妻龍氏幼適某年十八夫病姑慮子

病因龍也迫之歸母家一日龍忽心驚急歸視
夫已終矣慟絕復甦問夫死狀姑曰望爾不至
取爾衣噴血而逝龍抱衣舐血遂大痛一夕而
卒

常明漢妻劉氏年二十而寡遺孤二歲劉斷左
手中指絕糧屢口遺腹生女顧復維均且事舅
姑以孝乾隆十八年詳請建坊

衡州府志

卷之二十五

衡陽列女

四十六

蕭貞女幼字謝姓其後謝家計日窘貞女年及
笄父改字於劉女不可授綏屆期投繯而卒

劉世鉉妻成氏年十九適劉乙巳二月鉉亡伉
儷未滿百日而氏以終身矢之撫姪承祧乾隆
十一年知府張泓給匾曰此謂苦節

劉祖武妻蕭氏二十二歲喪夫生子世顯氏念
親老子幼不容一死謝責食貧自勵翁姑既沒
孤兒又夭復育孤孫五人

王明福妻胡氏二十二歲守節無子撫姪承祧
屏綺羅勤紡績足未嘗輕踰壺域

劉才多妻甯氏十九歲喪夫無子姑陳氏旌婦也氏飲食寢處必依姑側歷數十年如一日貞而能孝聞者憐之

谷賢愈妻陳氏二十六歲夫故上奉孀姑下鞠孤兒內變外侮頻加不恤

凌彬然妻王氏二十七歲夫故無子撫姪德賦德頌爲夫後敬奉翁姑生事死葬皆如禮

王多福妻鄒氏二十七歲夫病常焚香祈天願以身代及夫亡子早世再撫孤孫三人辛勤備至

衡州府志

卷之二十五

衡陽列女

四十七

曾代洪妻彭氏二十二歲喪夫無子氏斷髮入棺以誓同穴孝奉孀姑撫姪爲夫後

王天才妻凌氏二十七歲夫歿氏屢自經姑曲諭乃止勤苦自勵家計日盈子百世入監

邑庠王官妻李氏二十六歲夫亡子纔歲餘氏教養成立

王百寧妻蔣氏二十歲夫亡截髮斷指以昭信誓撫半歲孤子成立

王百俊妻龔氏二十一歲夫歿翁耄姑瞽氏仰事高堂俯育幼孤不愧代終之職

凌立象妻魏氏立象積學未遂二十四歲沒遺子四歲氏撫養成立

曾興祉妻王氏二十二歲夫亡遺子一歲氏柏舟自矢撫孤成立

曾儒慧妻廖氏卽興祉媳也二十四歲夫亡遺子三歲感姑節之死靡他

劉貴琰妻劉氏二十六歲夫故念白髮在堂黃口在抱忍死任事遂無敢以不諒人之言來相勉者

陳聲大妻唐氏二十三歲夫故剪髮自誓事繼

衡州府志

卷之二十五

衡陽列女

四十八

姑以孝聞教子讀書期於成立孫振化成諸生凌維孝妻夏氏年二十喪夫子半歲事老育孤上下賴之家計貧窘紡績度日

王百位妻凌氏二十五歲夫病氏衣不解帶者數月祈以身代夫亡撫一歲遺孤食貧守節孤又天亡撫姪承夫後

周萬爵妻王氏年十七適周貧不能支就食常寧二十七歲夫亡長子年烈九歲稱貸卜葬有以改適諷者氏誓死不從意謀歸衡教諸子佃田度日

楊大雅妻劉氏大雅業儒未售賫志以沒時氏年二十四乏嗣撫姪承祀

王壽菴妻萬氏二十六歲夫故遺子一歲貧不能自給勤力節用不苟求於人訓子綦嚴

王啟球妻張氏二十一歲夫故子二念翁姑在堂別無子媳乃毀容忍死孝奉舅嫜教二子成立

梁昌第妻黃氏二十六歲夫亡初夫能文不遇憤懣成疾動輒詈辱氏委曲承順及夫沒遺子一歲哀毀骨立訓子業儒

衡州府志

卷之二十五

衡陽列女

四十九

監生張啟任妻劉氏年二十五夫故無子欲殉自經不死撫脉姪爲夫後屏去粧飾歷三十餘年

庠生王震妻朱氏二十六歲而寡遺子四歲氏絕粒浹旬而氣不絕乃強起撫孤勤紡績采藜藿以度日

張啟泉妻王氏二十六歲夫故父母憐其貧勸令改適遂絕跡歸寧撫育三孤居無室廬住張氏宗祠紡績自給

朱興典妻張氏年二十八夫亡遺三孤有諷令

改適者氏剪髮自誓延師課子爲之婚娶

伍國譽繼妻黃氏二十五歲夫故無出前妻子甫六歲氏視如己出教之成名入庠食餼督學倪廉其貞苦賜額曰節操慈型

屈日瑄妻曹氏二十四歲夫故無子孝養勇姑姑亡事繼姑孝敬不懈紳士呈前縣德賜額曰節比松筠督學夏賜額曰苦節可風

屈日璠妻陳氏二十四歲夫故子三與其姒曹氏同心矢志以次子笏繼曹教之成立

歐明謀妻周氏二十三歲守節遺孤僅半歲氏

衡州府志

卷之二十五

衡陽列女

五十

絕粒誓死姑勉之曰吾老孤幼奈何乃勉稱未亡事姑終養教子成立

易萬梅妻劉氏二十六歲夫故遺孤六歲舅姑年老家貧氏紡績終養育孤授室旋夭遺腹生孫媳改適孫又夭撫堂姪孫爲後備歷死喪矢志不二

吳南英妻劉氏邑進士李德爲立傳

萬時棟妻蔣氏年二十三夫故遺孤纔半歲翁姑衰老氏仰奉甘旨俯勤鞠育集蓼茹荼矢志不二

楊永濂妻朱氏二十七歲夫故遺子二守紀守
縉氏撫育督課俱有成立紀入監縉入庠
庠生熊開緯妻陶氏年二十歸熊越四年生子
一值學使黃試衡緯入泮旋沒於城子亦殤氏
慟幾絕奉翁姑命撫姪世榜爲子榜長成完娶
復天媳甯無出姑婦煢煢哀動族里
戴士銘妻周氏二十九歲夫亡遺孤才鵬半歲
先士銘疾撫堂姪才鴻爲子僅二歲氏撫育二
釋教誨成立俱入成均

朱快中妻祝氏二十四歲夫故遺孤四歲氏夫

衡州府志

卷之二十五

衡陽列女

五十一

兄弟五人異母者一翁及繼姑沒夫弟皆幼三
旋天四五依氏爲命氏爲完娶隨俱亡並其子
天四遺孤二五遺孤一三孤並畜氏復以四叔
次子永學爲子督課完娶氏未亡之日皆在死
喪之中志操彌堅

鄧宗周妻張氏二十一歲夫故遺腹生子家貧
姑老紡績供養撫成其子

李嗣敏妻王氏年二十三夫故遺孤于岱田僅
數畝孝養舅姑氏素有家教能服其訓撫育孤
子年八十五終

廖淑文妻曾氏二十九歲夫故一子蚤夭僅一女炊無宿貯紡績以養其舅舅年近九十苦病數年氏設法調護喪葬畢依女壻度日

陶學樂妻黃氏年二十一夫故遺一子家徒壁立矢志不二晝夜紡績鞠子授室

何開校妻蔣氏二十五歲夫亡生二子哀毀踰常誓不欲生而家計蕭條藐孤無託刺月績星以贍餘年教子成立

楊大由妻蕭氏二十七歲夫亡舉三子依孀姑劉氏兵勵苦節鄰人失火延及氏居氏端坐室

衡州府志

卷之二十五

衡陽列女

五十二

中曰寡婦不可與稠衆雜處也俄而火息人咸異之

成興祁妻萬氏二十五歲夫亡茹苦集蓼貞操自勵數十年如一日前學院夏給匾曰操並霜筠子一成聃入監

王賢俊妻全氏二十四歲喪夫遺孤永維氏哀毀封髮奉甘旨嚴訓課永維早世撫伯氏子承桃

李正冕妻傅氏年二十二喪夫將以身殉伯叔曲諭乃止閱三月遺腹生子家計蕭條且負夙

債氏持家以儉教子以嚴至老不倦

曾必稠妻李氏二十二歲夫亡遺孤未及二齡方服闋父憐其少改字他姓氏聞自縊父母覺而救之事乃寢荼苦萬狀甘之如飴

鄧衍錫妻鄒氏二十三歲夫故舅姑先亡氏事祖翁祖姑愛敬備至能得其歡心撫兩歲孤兒克至成立

蕭大山妻王氏二十九歲夫亡初夫病累年氏扶持不懈及夫沒遺子半歲氏以養以教俾入邑庠姑病甚與娣曹氏中夜祈禱姑尋愈

衡州府志

卷之二十五

衡陽列女

五十三

蕭大章妻曹氏大山妻王氏娣也二十六歲夫亡生子之睿與王氏共矢靡他上奉孀姑下鞠孤兒

庠生蕭倫英妻史氏二十三歲夫亡生子殤撫子承夫後上奉孀姑生事死塋靡不竭忱饗殮莫繼泊如也

周緒新繼妻尹氏二十六歲夫亡生子澤愷前室子澤厚氏撫之如一翁貧且病氏與娣段氏共勤女紅以奉甘旨

周經新妻段氏二十三歲夫亡遺孤僅半齡氏

以藐孤無託翁年衰邁貧病交集勤紡績以膳老翁育稚子

趙智國妻黃氏二十八歲夫亡生子信忠初夫卧病八載澣濯扶掖氏必躬親夫沒氏教育婚配方幸有終子又亡氏率弱媳撫孤孫困阨迭至霜節愈堅

汪善記妻劉氏十七于歸時年二十五歲善記鬻產貿滇氏事姑以孝訓子以嚴閱三年夫訃至氏截髮矢節衣粗食糲家資稍饒

劉爾植妻林氏二十六歲夫亡初夫以苦讀致

衡州府志

卷之二十五

衡陽列女

五十四

疾氏焚香告天願以身代夫歿課子尤勤

庠生陶定基妻李氏二十五歲夫亡無子氏之死靡他撫姪承夫後阿伯宏基夫婦蚤世氏復代撫姪以承重

蔡衍南妻唐氏二十四歲夫暴疾卒於郡氏隨姑奔訃號慟幾斃及扶櫬舟行投河自溺姑引裾得免自是毀容苦節撫一歲孤兒至於成人陶炯基妻于氏二十八歲夫亡有諷以改適者悲不自勝人莫敢復言事孀姑以孝教孤子至於成立

李正遇妻湯氏夫月夜乘涼爲虎所噬氏挽虎尾曳行數百步體無完膚昏迷卧地夫卒無救時年二十四也先生子文太遺腹生子文梅氏上奉老姑下鞠幼稚憂苦備至

任代俊妻賀氏二十九歲夫亡氏欲殉姑以存孤勉之乃與姑同寢處數十年長孫蚤亡無子妻彭氏感祖姑之節撫姪承祀

彭作聖妻陳氏二十九歲夫亡遺子文鎮文鈺先是姑病劇氏割股進姑祈天求愈姑果獲痊夫沒氏矢志撫孤至老不倦乾隆己卯鎮充鄉

衡州府志

卷之二十五

衡陽列女

五十五

飲耆賓

凌大甲妻曾氏甫十歲以姑病促賦于歸搔抑扶持甚得歡心年十七夫病危無子泣對夫榻撫孤孤子蚤世再撫孤孫伶丁孤苦百折不回常明瑜妻李氏二十八歲夫亡遺孤幼夫弟某迫氏改適氏剪髮自誓幾瀕於死已而某夫婦早世遺孤四人氏鞠育若己出

屈志學妻劉氏二十二歲夫亡幸遺腹生子氏上侍翁姑下撫幼孤始終無慙德

王百祕妻鄒氏年二十祕館甥於鄒四年祕亡

氏藏利刃自殉母奪其刃又自經母覺救得不死乃撫姪爲嗣歸奉孀姑釋衰拜謁旋返喪服人稱其知禮

王百諭妻蕭氏二十二歲夫亡生子福晉旣小斂族黨謀卜塋氏泣拜曰踰月而塋土禮也然留兩楹之間朝夕具奠聊慰哀忱不亦可乎衆憐而許之晉授室又亡氏與媳劉氏共勵冰操蕭美瑄妻何氏二十三歲夫亡生子一翁姑高年藐孤幼稚氏以子職父道自任

凌大巡妻鄧氏二十六歲夫亡生子數月氏衣
衡州府志 卷之二十五 衡陽列女 五十六
粗食糲貧苦自甘終身不二其志鞠子至於成立

王端佐妻劉氏二十八歲夫亡上事翁姑下撫諸釋壺範無忝家計日盈長子軒入監

王百選妻陳氏二十二歲夫亡時翁姑衰老貧不能支氏日食荼苦夜然松膏勤女紅以奉高堂翁姑沒氏哀禮兼盡撫二孤成立

庠生王百誦妻周氏二十六歲夫亡無子方夫彌留時遺命撫姪福曇爲嗣氏擗踊氣絕移時乃甦家人共勸之曰藐孤未立一死詎塞責耶

乃撫孤繼後以養以教至於成人

楊義徙妻陳氏二十八歲夫亡翁姑皆老氏慟夫積學未遂勉思代終事高堂以孝教稚子以嚴

李士章妻盛氏二十八歲夫亡時翁姑皆老而翁尤染瘋疾氏奉湯藥躬澣濯者八載翁姑沒遭家多難氏委曲調停克保舊物撫孤至於成立

王廷著妻龍氏年未三十喪夫持家教子現年八十有四子三人端位端傑入監韜入庠

衡州府志

卷之二十五

衡陽列女

五十七

監生盛時用妻劉氏二十六歲夫亡遺子二氏絕粒誓殉姑力勸乃止苦節自勵仰奉孀姑俯育孤兒

馮德舜妻徐氏二十九歲夫亡哀毀踰禮姑王氏病痺床褥起居扶持數年教子入國學

顏國用妻馮氏二十八歲夫亡生子一初夫貿滇旅卒計至氏盡鬻奩資携骸歸塋矢志不渝姑年八十沒棺斂皆紡績屏擋

陽明德妻歐氏二十六歲寡初夫病瘵兩載氏侍湯藥衣不解帶夫沒哀毀尤至女紅度日冰

心無虧

劉嗣諧妻王氏二十八歲夫亡生子二家窶甚
翁計徙蜀勒氏改嫁氏誓死不從翁挈次子以
往及翁死於蜀聞計氏遣長子瘞塋携次子還
家二子成立

易廷柏妻譚氏二十九歲夫亡誓以身殉姑勸
曰汝翁早世我年已耄汝忍遽死乎且孳孳藐
孤將復何恃氏乃强任家計奉姑撫子現壽八
十一歲

羅上珍妻蔣氏二十九歲夫亡遺子二氏從一

衡州府志

卷之二十五

衡陽列女

五十八

守貞二子俱成立授室相繼天亡次媳亦故氏
與長媳陳氏共勵苦節

王勝翼妻唐氏二十八歲夫亡遺子二氏慟夫
苦讀成疾賫志以歿哀毀不能自持乃砥節訓
子今子孫繩繩悉守書香

曹國安妻唐氏二十七歲夫亡飲冰茹檠鞠育
藐孤勤紡績以資食用

張選英妻陽氏二十九歲夫亡上奉孀姑下撫
兩穉勤女紅督耕桑孤燈白髮四十年如一日
伍寧世妻胡氏二十三歲夫亡遺孤一家人憫

其年少家貧諷以改適氏堅志不從事舅姑以孝撫幼釋以慈

黃福成妻毛氏二十歲夫故屢欲從夫地下慮藐孤之無託忍死撫之至卒成立

鍾次兆妻鄭氏二十三歲夫亡遺子二翁姑俱病未幾姑卒翁以妻喪子亡竟成痿疾氏曲爲調護者七年教子成立

李仁葵妻李氏二十一歲夫亡生子二家徒四壁貧窶莫堪而節操不改勤女紅自贍族黨餽遺咸謝弗受卒撫二子成立

衡州府志

卷之二十五

衡陽列女

五十九

劉源翰妻郭氏二十八歲夫亡生子懷璧無期功之親舅衰善病氏曲意承志及沒喪葬如禮子授室遂病幸已見孫

王堂妻蔣氏二十八歲夫亡堂奮志下帷期於遠到未青其衿嘔血而死氏憤欲殉翁姑阻之茹檠飲水壽七十一歲

彭宸安妻甯氏二十三歲夫亡無子翁姑蚤世夫鮮昆季期親無可撫者氏矢志靡他孤燈隻影荼蓼自甘年逾四旬始撫功姪爲嗣是節之苦者

鄒自立妻伍氏二十三歲夫亡欲殉老姑曲諭
乃止含悲茹辛和丸教子知縣何衢爲立傳次
子入監

監生莫山含妻劉氏二十二歲夫亡無子誓不
獨生公姑勸解矢志守節撫姪鴻徽繼後教誨
式穀徽入邑庠

邱紹魯妻王氏年二十七夫亡無子孀姑年老
氏不敢死以斬夫祀爰撫姪代盛承祧盛死與
媳劉氏再撫孤孫半生荼蓼不變貞操

衡州府志

卷之二十五

衡陽列女

六十

父母曰汝徒死無益盍若撫子存祀乎氏乃截
髮盟心撫姪繼嗣

監生羅永慎妻劉氏二十四歲夫亡初夫病劇
顧氏曰吾死不足惜如母老子幼何氏泣曰君
事妾事也其敢有二志後姑病連年氏扶掖不
懈教育兩稚至於成立可謂不食言矣

譚文元妻楊氏二十八歲夫故遺子三氏忍死
撫之孝事舅姑未幾長子武翰次子武乾亦沒
與媳萬氏龍氏同撫孤孫

譚武翰妻萬氏二十一歲夫故感姑楊氏苦節

上事孀姑下撫孤子夫弟武乾旋天與娣龍氏
共矢柏舟教子入黼庠

譚武乾妻龍氏二十三歲夫故遺子二其姑楊
氏守節多年姒萬氏亦寡 氏共相砥礪姑婦
三孀形影相弔完節無虧鄉人有一門三節之
目

袁荆山妻張氏二十七歲夫亡遺子周齡初夫
病劇囑氏撫孤且曰汝隻身客居宜慎所託羅
某長者爾以女字伊子可也氏泣受命終夫喪
卽寄居於羅子年二十亡氏憂憤轉深詎子死

衡州府志

卷之二十五

衡陽列女

六十一

六月而卒

貢生周繹妻廖氏二十八

歲夫遺

子二氏哀毀骨

立瀕死者再念藐孤無託家政糾紛堅貞自矢
課二子成立長世昌貢生次世緒例銓布政司
理問

李承堯妻周氏二十三歲夫亡遺子半歲姑憐
其少勸以改適氏痛哭瀕死姑悲其志諭留撫
孤清操苦節人無閒言

陳振功妻孫氏年十九夫亡孀姑在堂遺孤在
抱氏義不敢死躬親作苦含哀奉養課子成立

劉楚科妻蔣氏年二十四夫故室如懸磬荼苦自甘日夜勤女紅以哺二稚今子孫繩繩家資頗裕皆氏力也

鍾朝瑄妻蕭氏二十五歲夫亡撫兩歲孤兒破鏡毀容誓死靡他翁姑老能得其歡心既沒喪葬如禮子孫振振皆荷成立

趙季含妻李氏二十一歲夫亡忍饑寒勤紡績督課幼孤不二其志

萬朝霑妻羅氏年二十六夫亡哀毀不欲生念孀姑未終幼稚待哺忍死任事刀尺之聲中夜

衡州府志

卷之二十五

衡陽列女

六十二

不輟

庠生李渤妾尹氏年二十渤亡遺子一初渤病割股啖之祈以身代及死飲血盟心奉嫡尤謹脫簪耳延師傅冀孤兒克讀父書

蕭象賢妻陶氏二十二歲夫亡無子撫姪承祀縞素終身足不踰閫

劉華玫妻尹氏二十七歲夫亡家道維艱辛苦備嘗而矢志撫孤不二其操

張應祥妻吳氏二十九歲夫亡矢志守節艱貞之吉歷久彌芳乾隆十七年 恩賜絹帛九十

一歲壽終

萬良模妻祝氏二十歲夫亡時氏將彌月絕粒
屢日家人咸勸曰幸而生子猶可延祀何遽死
耶月餘生子青年矢節里閭無閒言

劉仕偉妻朱氏二十六歲夫亡遺子時姑年老
善病氏奉湯藥衣不解帶者三年姑沒哀毀盡
禮里人稱爲孝婦

成興朝妻段氏年十九夫亡遺子二絕粒誓死
舅姑以撫孤存祀勉之忍死鞠孤翁沒喪葬如
禮姑壽現躋八十孝敬有加氏現壽六十六歲

衡州府志

卷之二十五

衡陽列女

六十三

鄧宗國妻蔣氏年十九夫亡投繯以殉姑急救
之矢節撫孤服闋有以再醮勸者堅不可移日
與孀姑相依甚得其心姑沒脫簪珥以營葬
張啟是妻鄒氏二十六歲夫亡遺子二矢志不
回撫孤成立事舅嫜先意承志能得其心
段必璠妻王氏年二十夫亡氏有遺腹投繯溺
井以殉家人密防不死越三月生子食貧勵節
奉老撫幼不愧代終之職
祝一志妻張氏二十九歲夫亡無子撫姪承祧
僅存微產刺月績星以供朝夕

谷賢思妻韓氏年十九夫故遺子嗣英翁姑憐其青年諷令改適氏不從奉堂上養生送死人稱其孝教子成立

陳盛綸妻黃氏一十八歲夫亡無子撫姪承祀矢志冰霜綺羅不御數十年如一日

湯年璜妻凌氏夫亡無子撫姪承祀守節四十年

庠生劉雲發妻丁氏二十八歲夫亡無子慟不欲生又念夫祀爲重撫姪爲後氏備歷艱辛教子入鄴籍食餼

衡州府志

卷之二十五

衡陽列女

六十四

監生歐陽于學妻洪氏二十二歲夫亡遺孤數月不憚身殉徒念高堂藐孤俯仰無託忍死守節媳兼子職母代父道不負乃心子元寅入監庠生熊燕兆妻鄒氏二十六歲夫亡遺子三時衰姑在堂氏委曲扶掖能得其心尤刻意教子立品讀書長子一超次開紀俱文庠

唐君衡妻陳氏二十五歲夫亡遺子二舅姑憐其年少家貧諭改適氏誓死不從姑沒事繼姑苦疾年餘衣不解帶尤人所難教二子成立
羅文弼妻鄒氏二十八歲夫亡遺子四室無宿

糧有欲奪其志者婦曰我不死者姑老子幼耳
奈何以貧故忘所天衆不敢復言

蕭際周妻鄒氏二十五歲夫亡遺子一甘守貧
窶矢志柏舟奉舅嫜教孤兒族里賢之

監生楊守績妻歐陽氏二十五歲夫亡苦節自
勵教二子成立兩叔蚤世其教姪也如己子

監生劉洪緒妻劉氏二十四歲夫亡遺子二翁
姑沒無伯叔劉氏不絕如綫矣氏荼苦自甘持
門戶訓藐孤家聲賴以不墜

蕭永位妻蕭氏二十七歲夫亡上奉老姑下鞠

衡州府志

卷之二十五

衡陽列女

六十五

幼稚松柏之節歲寒彌堅

張正志妻李氏二十七歲夫亡遺子三時翁姑
就衰生事死塋以一身任之三孤繞膝次第成
立

譚文渭妻蔡氏二十九歲夫亡子幼姑老家計
蕩然氏金石不渝二子俱克成立

陳紹畚妻唐氏二十六歲夫亡遺子堯文堯言
氏將殉娣彭氏亦新寡謂曰徒死無益汝育文
而以言繼我不猶愈乎氏然之未幾文殤而言
已出撫氏吞酸飲苦距子死數月而亡後堯言

生子德珍歸繼堯文奉唐氏祀

監生陳紹崑妻彭氏二十三歲夫亡無子氏號哭欲死徐曰夫祀不可絕也撫妣氏子堯言繼後教育入監

監生陳紹敬妻蕭氏二十四歲夫亡無子撫娣次子堯華爲嗣茹苦育子至於成立

陳紹鵬妻羅氏二十九歲夫亡遺子堯道堯華其妣蕭氏無子華出撫氏仰承舅姑俯育幼雛茹荼守貞始終不渝

楊守緯妻黃氏二十一歲夫亡遺子半齡時姑

衡州府志

卷之二十五

衡陽列女

六十六

與祖姑兩世孀居生養死葬曲盡兵誠教子無姑息竹筠松節人共諒之

監生劉志偉妻黃氏二十七歲夫亡遺子一其姑早寡氏感姑節之共勵清操隆孝養終始如一

黃行鍾妻周氏二十四歲夫亡矢志靡他孀姑老病晨昏奉養惟謹鞠育幼孤慈與嚴并

廩生王生荃妻歐陽氏年二十四夫亡無子乞死不可擇姪立祧時惟孀姑在堂青閨寂寞泣

奉滫瀡

甯明向妻黃氏二十七歲夫應試死於郡氏與

孀姑陶氏淒涼相對共課諸孤勉以書香孫德普入郡庠

庠生劉志定妻張氏二十四歲夫亡遺子一哀毀求死不可乃強起以奉高堂刺星績月勤課藐孤

劉澹定妻鄒氏年十九夫亡無嗣斷髮血指以昭信矢擇姪繼後堂上翁姑生事死葬半由女紅所積閨範嚴肅族里交推

徐之元妻李氏二十二歲夫亡家徒壁立饗殮莫給而絡緯蕭蕭中夜不絕撫孤子至於成立

衡州府志

卷之二十五

衡陽列女

六十七

劉太初妻萬氏二十九歲夫亡遺子一門無期功之親喪葬成禮氏以一身支持窮且愈堅汪書紳妻李氏二十八歲夫亡遺孤三夫易簣謂氏曰二老垂白三孤待哺汝能代終乎氏泣答曰敢不奉命夫沒含哀視事不負遺命長子燦入庠

曹士瑄妻王氏二十八歲夫亡無子姑早世翁年老氏自維曰絕夫祀而傷翁心罪可逭乎忍死矢志撫姪爲嗣事翁生事葬祭如禮

李德著妻唐氏二十九歲夫亡無子舅姑先逝

撫姪承祀恪守內則茹檟飲冰

李應諦妻劉氏二十五歲夫亡無子投繯求死
翁姑力阻乃含哀奉養撫姪奉祀燈孤月冷窮
且愈堅

凌漢治妻彭氏二十四歲夫亡無子志在同穴
孀姑泣諭曰汝殉若我何氏乃止撫姪承祀家
徒四壁而承歡無閒今姑年躋九十孤亦成立
劉子元妻陳氏二十七歲夫亡遺子尚幼氏事親教
子一身兼之多故頻仍而此志不懈

李德位妻唐氏二十六歲夫亡無子氏不輕殉

衡州府志

卷之二十五

衡陽列女

六十八

待遺腹也越六月生子饗殮莫繼惟奉老親鞠
孤兒誠信不二

易文妻褚氏二十八歲文客死京都生子尚幼
姑又染瘋疾氏上奉病姑下育幼稚子道父道
以身兼之孫兆興入庠

楊天街妻王氏二十三歲夫亡上奉舅姑下鞠
幼稚不以艱苦易心翁沒氏奉孀姑尤謹

李應淑妻楊氏二十六歲夫亡生子二比誓同
穴翁姑曰兩老在堂兩稚繞膝汝竟一死塞責
耶氏乃忍死奉棗脩和熊丸無忝厥職

李德新妻唐氏二十八歲夫亡毀容踰常上奉老姑甘旨親調姑壽近百齡能得歡心教子讀書入國學

曾思寧妻戴氏二十五歲夫亡翁姑隨沒營葬設奠皆克如禮家政糾紛氏以身擋撐克育孤子至於成立

李國儲妻李氏二十六歲夫亡翁姑既沒伯叔相繼早世氏以孤燈隻影仔肩家政哀毀餘生苦育二子俱入國學

楊興懋妻朱氏二十五歲夫亡無子氏矢志守

衡州府志

卷之二十五

衡陽列女

六十九

節撫姪承祀至於成立

楊永緯妻劉氏二十六歲夫亡遺子一與姑朱氏共勵柏操朝夕起居不離姑側課子成立曾必榆妻劉氏二十四歲榆過江赴飲覆舟身亡僅遺一子氏奔號屢絕祭江覓屍三日乃獲歸窆卽欲投河以殉姑力挽之氏乃奉孀姑撫幼子終身不渝

監生李德珍妻李氏二十五歲夫亡遺三子夫卧病年餘氏躬自調護日久不懈及沒喪葬如禮未幾身受瘋疾起居維艱猶惓惓以課子爲

念人共憐之

劉士庭妻留氏二十三歲夫亡遺子僅一月初夫以苦讀致疾氏常止之夫沒終身茹素事舅姑能得其心懇切教子冀成父志

李應庚妻陳氏二十六歲夫亡傷翁姑既沒幼穉繞膝且祖翁在堂乃忍死茹苦子職父道以身肩之

梁應舉妻陶氏二十六歲夫亡子一早殤撫姪承祀初應舉以貧故贅於陶及沒氏扶櫬歸窆剪髮盟心父悲其意大歸於陶歷四十五年現

衡州府志

卷之二十五

衡陽列女

七十

壽七十一

監生李德瑞妻趙氏年十九瑞入贅一月瑞歸病劇氏素粧適李親奉藥餌衣不解帶及瑞亡號慟失聲撫姪承祀越數年家產悉爲衆有强暴頻迫氏不能支歸趙守貞幾三十年現年五十一歲

譚世佐妻朱氏二十四歲夫亡無子欲殉繼念夫棺未厝血食將斬乃撫姪承祀艱苦備嘗

李應巖妻胡氏二十五歲夫亡遺子有鵠念翁姑既沒夫弟尚在髫年乃荼蓼守節勤紡績隆

師傅以養以教期無墜家聲

陳思恪妻凌氏二十八歲夫亡遺子時翁姑老病氏苦節孝養藐孤煢煢撫之成立長一登入監

馮祖祀繼妻彭氏二十四歲夫亡遺子一氏念夫本過房翁姑年老祖祀前妻二子皆幼氏上事高堂下育弱息翁至晚年始生三子撫字教育氏與有力焉前妻子顯裕烜氏男湘俱入監丁光祚妻郭氏二十五歲夫亡遺子一焄歲餘氏屢欲自盡姑諭曰藐孤在抱爾死是絕夫祀

衡州府志

卷之二十五

衡陽列女

七十一

也氏拭泪撫孤焄竟天復撫姪一瑩爲嗣入監夏安邦妻周氏二十五歲夫亡遺子二上奉翁姑甘旨無缺督課二子至於成立

監生王齊安妻姚氏二十七歲夫故事舅姑撫幼稚數十年如一日有佃負債將鬻子媳氏捐己資保全之

毛世斌妻楊氏二十五歲夫亡遺子二皆在抱氏矢志撫育有憐其貧勸令改適斷指以誓窮餓自甘

萬儒宗妻譚氏二十四歲夫亡遺子希邨斷髮

自誓終舅姑之養食淡茹粗撫教其子
萬國定妻鄒氏二十五歲夫亡養老姑撫孤兒
勤於督課閨闈嚴肅

郝碩夫妻李氏二十二歲夫亡無子毀容自誓
代盡子職撫姪爲子子天復育孤孫

監生羅維介妻常氏二十六歲夫亡遺子仕祚
錫祚仕殤翁隨亡夫弟幼零丁孤苦氏上奉老
姑下育幼子終身不踰戶限

羅宗回妻蕭氏年二十適羅六月夫亡遺腹生
子家貧有勸易志者氏百計拒絕紡績養姑撫

衡州府志

卷之二十五

衡陽列女

七十二

育其子

曾正宗妻李氏二十四歲夫亡遺子一氏以舅
姑缺養幼稚無依斷髮盟心不御綉飾其子天
與寡媳撫孤孫備歷死喪現年六十二歲

汪儒英妻羅氏二十三歲夫亡遺孤大業數年
舅姑繼亡兩叔旋故撫教其子慈嚴兼備

周朝璜妻蕭氏年十九適周三月夫亡無子氏
斷髮附棺以誓從一孝養老姑撫姪爲嗣教育
婚配足不踰戶

續三台妻萬氏二十二歲夫亡矢志不二舅姑

年老躬代子職撫育孤子水操肅然

庠生萬朝任妻羅氏二十五歲夫亡遺孤三歲氏忍死撫育完配生孫其子夭亡與媳唐氏共撫二孫成立

庠生萬萃妻譚氏二十三歲夫亡無子撫姪承祀家無恆產紡績以供姑膳

儒童劉宗基妻王氏二十二歲夫亡遺孤迎祖入監蚤逝繼撫三孫備極艱辛終始如一

王天錦妻劉氏二十四歲夫亡遺子甫二歲比欲自盡父母以義曉之事翁姑撫幼稚課子嚴

衡州府志

卷之二十五

衡陽列女

七十三

肅克有成立

吳代守妻劉氏年十九夫亡有遺腹伯叔因貧促氏改嫁捉之登輿氏躍出左足遂跛子生氏撫之孝事其姑姑病祈天求代姑沒號慟幾絕趙宏濟妻周氏年二十夫亡遺子一薄田數畝破屋數椽拮据以育孤子方壯天亡孤孫四人後先天折長孫婦遺腹生子孫婦亦亡氏撫三世孤兒未亡之日皆哭死之時堪稱苦節馮持衡妻陽氏二十六歲夫亡黽勉自勵奉高堂撫弱子不幸子殤擇姪承祀舅姑相繼卽世

氏率孤執喪成禮教子成立

劉邦慶妻王氏慶苦讀致疾氏父未肯遣嫁二十六歲始歸於劉二十九而夫亡生子半齡翁姑伯叔死喪頻仍氏冰霜自勵家計日窘不恤顏文斌妻蔡氏二十六歲夫亡遺子年方成童氏教養迄成立堂上舅嫜生事塋祭一閑於禮劉天祐妻魏氏二十六歲夫亡遺子星敏備歷勤苦毀容易服撫孤成立娶媳陸氏五載敏故與婦共矢艱貞保全年

劉星敏妻陸氏二十二歲夫亡遺子嗣炫甫三

衡州府志

卷之二十五

衡陽列女

七十四

月有勸改適者氏曰禽獸之行固乖大義且劉氏三世一孤血食其可斬乎與孀姑魏氏鞠育稚子至於成立

蕭興朝妻曾氏三十歲夫亡無子之死靡他事翁姑以孝聞後奉繼姑先意承志尤人所難萬良載妻蕭氏二十四夫亡遺子一歲家徒壁立氏采茶佐食以育嬰兒有勸之改適者截髮瓜面以誓

庠生劉守純妻魏氏二十五歲夫亡念堂上白髮膝下黃口兩世交依子道父道以身任之

劉世康妻何氏二十八歲夫亡遺子二時孀姑在堂氏矢節奉養撫育幼雛長子昌仕完娶五年中道棄世而氏操不回

劉昌仕妻楊氏世康子婦也二十五歲夫亡無子感姑之節松柏同心乞養猶子以繼夫後

羅永援妻萬氏二十一歲夫故無子撫姪祚沛祚雲爲後舅多病事湯藥惟謹事姑形影相依延師課子俾有成立

陳次玉妻李氏二十三歲夫亡遺子僅半歲姑孀且老氏婦職母道克全無忝

衡州府志

卷之二十五

衡陽列女

七十五

劉隆馗妻彭氏于歸八載夫亡守節三十年教子讀書不懈

任隆禮妻劉氏二十六歲夫亡生子一矢志守節躬處窮阨而艱貞不移教子成立

唐懷周妻蔡氏二十八歲夫亡遺子二靡他自勵事舅姑克代子職教諸孤不爲姑息之愛

劉禧富妻江氏二十三歲夫亡一子尚在抱舅姑憐其少勸令改適氏曰棄親弗養棄子弗浦

將何以見夫子於地下乎死不敢奉命矢節撫孤現年五十四歲

劉禧寧妻楊氏二十八歲夫亡遺子一與姒江氏共勵冰操奉舅嫜教育孤子至於成立
周若璽妻張氏二十二歲夫亡無子翁姑在堂氏以缺養乏嗣爲憾乃抑哀事堂上撫姪爲後教之成立入國學

王天健妻洪氏二十一歲夫故遺子一氏忍死事舅姑撫幼稚形容憔悴終日黯然

陳秉直妾汪氏年十九而寡嫡黃氏早亡遺子玉相妾胡氏子廷相王氏子堯相胡王繼亡有涎其產者逼令易志汪觸首仆地時差賦繁重

衡州府志

卷之二十五

衡陽列女

七十六

嗾公差嚴其追呼汪赴水乃免 國初中丞袁臨衡汪携孤號救始免迫脇九十三歲壽終
陳名悠妻曾氏二十二歲夫亡無子父與翁憐其年少令改嫁氏投繯幾斃服闋乃撫姪爲後教育完配

楊正伊妻王氏年十八適楊未朞而寡遺腹生子家貧舅姑多病氏仰事俯育紡績勤儉終身不與宴樂

陳聲宣妻周氏二十八歲夫亡無子氏欲殉父母勸諭撫姪爲嗣教育婚配克有成立

朱得林妻周氏二十五歲夫亡遺孤仕任事姑克謹室遭火氏負姑送鄰家返抱夫靈跪泣火竟熄後其子天與媳周氏撫孤孫錦榜以延一綫

庠生李國偉妻胡氏二十五歲夫亡遺子二俱幼夫兄弟五人繼亡與其娣姒一門五寡同心矢志督課其子年六十五歲卒長子德大庠生次子德本監生孫觀庠生

胡先民妻劉氏二十九歲夫亡遺子二氏上奉舅姑下撫幼稚閨門嚴肅鄉里推重

衡州府志

卷之二十五

衡陽列女

七十七

陳名魁妻王氏二十四歲夫亡遺子振古振今氏哀毀盡禮舅姑諭以撫孤盡心教育俾有成立現年五十八歲

附孝婦

本朝

職監王百諧妻曾氏適王時太翁姑皆高年氏曲意承志重闡賴之翁姑素善病氏就養無方均能頤養天和族里交稱之

庠生王廷英妻劉氏初歸王門幸值舅姑康健婦職克敦迨尊嫜卽世老翁鰥居尤先意承志

以慰遲暮之心

貢生趙仕鈞妻顏氏舅象先先娶何氏無出再納歐陽氏生鈞氏上奉兩姑不媿色養事庶姑吳亦如之閭里無不稱頌

職監左修身妻周氏孝事翁姑先意承志姑病痿八年氏扶掖備至姑賴以安夫弟修言方襁褓姑病乏乳氏體翁姑意乳哺鞠育始終弗懈里黨無不欽羨

附貞壽

本朝

衡州府志

卷之二十五

衡陽列女

七十八

方兩式妻謝氏壽九十七歲猶健步善飯

庠生李國俊妻周氏夫亡守節現年九十二歲凌德尚妻傅氏現年九十三歲耳目聰明不減少壯

譚子乾妻陳氏現年九十九歲食猶健飯行不藉輿其子孫力田作苦愿樸自守氏安之若素趙智言妻汪氏二十九歲夫亡生子信顯老翁遲暮鰥居氏奉養維謹教子成立

衡州府志卷之二十五上

衡州府志卷之二十五

知衡州府事豐城饒仝重編

列女_下

清泉縣

按清泉由衡陽分設已入衡陽志者不復重載

本朝

監生陳鴻猷妻周氏年十六歸陳侍孀姑疾四年姑沒侍夫疾三年年二十二夫夭僅遺幼孤隻身依姑黨與諸處女同寢食撫孤成立

衡州府志

卷之二十五

清泉列女

一

羅世昌妻梁氏夫亡家貧翁老二子幼梁年二十八以苦節終

譚一元妻趙氏年十八夫夭撫族姪時可爲嗣以奉翁姑姑沒翁續娶舉三子皆幼而繼姑又沒趙撫翁三子教時可成諸生

陳朝典妻謝氏年二十八夫沒甘貧苦節撫成三孤凡三十六年卒

庠生左先致妻陳氏夫亡氏年二十九撫幼子奉舅姑子喪又與媳劉氏撫孤孫終身縞素戴三題妻陳氏守節六十三年壽九十二歲中

歷貧苦奉舅姑撫一子一孫成立

鄒肇銓妻萬氏年十九適銓二十銓故撫夫猶

子爲嗣守節代終子職

蕭世純妻左氏純病革囑以終事翁姑撫成二

子及卒氏年二十三守節凡二十四年次子瞰

庠生

庠生王恕妻陳氏年二十九夫沒守志教二子

成立攝邑令徐旌其閭

徐永彬妻楊氏年二十六彬亡三月遺腹生子

撫之成立年踰六十卒孫光清庠生

衡州府志

卷之二十五

清泉列女

二

陸興亨妻伍氏夫亡遺孤二伍年二十四苦節
事舅姑撫孤

曾俊賢妻李氏年十八夫亡孤孫纔兩月上奉

翁姑撫孤成立苦節三十九年

蕭時朝妻歐陽氏年二十六朝卒絕粒誓死祖

姑賀節婦也引己爲喻乃泣遵撫四月之孤至

於成立年五十卒

陳善諄妻王氏年二十八善諄以學使試錄取

覆試疾作而卒王苦志教育兩孤迨長子成痼

疾王悲憤先一年卒

唐臣傑妻劉氏年二十夫亡翁姑皆老又貧無期功親氏有遺腹冀生子及三月生女悲泣投繯翁姑苦勸乃撫異姓子奉老翁姑後子外貿不歸劉悲閔成疾終

張燦文妻陳氏在室喪父與母泣血蔬食三年及嫁事舅姑孝年二十九夫亡苦節撫成兩孤年五十九卒

蕭目中妻李氏年二十六夫故依孀姑教子瓚列邑庠瓚亡育諸孫苦節五十年

倪善思妻廖氏年二十五夫亡守志隨翁三英

衡州府志

卷之二十五

清泉列女

三

任山東內黃縣屏飾却御親操婦功姑逝侍庶姑惟謹子三壽八十一終初長子霑祚亡遺孤甫十月媳楊氏年二十五矢志與廖貞守廖氏末年癯疾楊雖老敬侍不懈教孫定輝入泮

湯同暹妻程氏年二十八夫亡家貧翁姑老程矢志勤女紅奉翁姑無缺膳而與子日惟一粥年八十四終

谷賢愍妻張氏年二十六夫故矢志事翁姑撫孤年四十五卒

職監何其仁側室李氏其仁因妻汪年踰五旬

一子天乃娶氏舉三子氏年二十九其仁亡汪
衰老氏矢志事汪如姑教三子成立次廷瑗中
武舉

丁一燕妻倪氏夫卒時倪年二十九家貧苦節
孝姑教子歷三十四年

庠生廖之梅妻楊氏年二十八之梅卒家貧捐
衣飾備喪事鄰豪厄葬號於官得直撫成二子
余佑禮妻朱氏年二十六夫亡翁亦繼亡氏順
事孀姑育成二子

賀士祐妻羅氏年二十三翁姑與夫相繼卒夫

衡州府志

卷之二十五

清泉列女

四

弟皆幼氏苦節育成一子及夫諸弟

沈一經妻汪氏年二十五夫亡孤二歲翁姑俱
老與祖姑恃汪養苦節三十七年

楊令文妻劉氏年二十五喪夫翁姑繼逝遺孤
二氏撫二子成立

監生歐陽思文妻羅氏年二十八夫故遺一子
未幾而殤羅守志撫二猶子爲嗣奉姑老壽八
十二終

黃祖濬妻劉氏年二十四夫亡矢志孝姑教子
成立

何繼睿妻廖氏年二十七生子三歲夫亡矢志奉翁姑教子義方年七十終

蔡宏宣妻羅氏年二十七夫故矢節奉翁姑教子文岐成立而天復偕孀媳撫孫年五十八卒庠生羅仁象妻易氏年二十一夫亡自慟無出欲殉翁姑諭以奉老乃撫猶子爲嗣復天又撫成二孫

黃子淮妻范氏年二十生子甫六月而夫繼翁與兄章亡氏慟孀姑衰病頻罹慘凶矢志撫孤奉老

衡州府志

卷之二十五

清泉列女

五

羅子驥妻李氏衡陽舊志所載羅姓一門五節內陳氏之媳丁氏之孫媳也兩世苦節僅存子驥一綫氏年二十二而子驥卒遺孤生纔六閱月未兩旬而殤李疊罹閔凶撫夫族子承祧閱十月又殤淚盡血枯而卒年二十四

唐令聞妻羅氏年二十七夫亡遺孤及遺腹子苦節守成年六十七卒

羅雲漢妻劉氏年二十八夫亡僅一女無嗣矢節撫猶子成立

庠生傅忠妻王氏年二十八夫亡氏烈殉幾死

事翁姑撫諸子年六十九卒

傅肇先妻黃氏年二十六夫故無子撫猶子承祀

蕭時宦妻羅氏年二十四夫亡翁老家貧遺孤幼矢志針刺奉翁十指常裂撫孤及孫成立

廖興欽妻楊氏年二十二夫亡甘貧勤紡績撫孤壽七十五終

賀宗揆妻謝氏年二十八夫亡事姑撫二子成立年逾九十終

庠生羅光堙妻許氏年二十七夫歿矢節撫孤

衡州府志

卷之二十五

清泉列女

六

既剗而天乃撫猶子事翁姑苦貧四十餘年卒蕭承照妻彭氏年二十二夫故撫孤奉孀姑及子天教孫成立

劉付周妻谷氏年二十九夫故遺孤三教育成立壽八十二終

許矩用妻陳氏年二十七夫故家徒壁立矢志勤操作以事翁姑督三子耕讀成立

歐士儻妻唐氏年二十九喪夫事翁姑撫孤皆紡績以給年六十六卒

婁起騶繼妻魏氏歸婁五年無出年二十而夫

亡矢爲死殉以元配遺孤七歲牽泣乃苦節撫孤歷三十七年

劉代翰妻周氏年三十夫亡哀毀絕粒翁以年老孫幼次子病狂恃氏爲命泣諭之乃忍死事翁撫孤凡三十一年

劉代齡妻邵氏未嫁夫病狂將毀盟邵聞死爭年十九適代齡百計調治夫病九年生三子夫亡甘貧撫諸孤成立

唐思勃妻廖氏年二十五夫亡孤幼哀毀成病就醫弟隆海家旋念姑老百里遄歸病劇卒卒

衡州府志

卷之二十五

清泉列女

七

後二目光如生會弟至慰以代之撫孤乃瞑

丁胤恒妻周氏年二十五夫亡苦節撫孤

劉雲若妻宋氏年二十八夫故撫孤苦節三十三年

唐傳衡妻羅氏年二十四傳衡因應試未售自經以沒氏悲以死殉衆救止之乃矢志撫孤生孫

江文蔚妻郭氏年二十二夫亡矢節撫二孤有成奉事舅姑年六十二卒

庠生鄧轍妻唐氏年十七歸鄧夫以績學致疾

卒氏年二十八矢節事孀姑教四子成立

歐良蘇妻歐陽氏夫亡遺孤一歲氏年二十四

矢志撫孤奉姑苦節二十八年卒

彭重遠妻張氏年二十六夫亡翁姑老苦節終
事撫二孤有成

鄧仲吉妻王氏年二十六仲吉貿易卒於滇苦
節撫二孤子且代夫終子職

劉承堯妻蕭氏年二十六夫沒備歷艱辛克全
節孝乾隆二十三年奉文給扁旌獎

唐思仁妻胡氏年十五于歸思仁因貧遠貿卒

衡州府志

卷之二十五

清泉列女

八

於滇時氏年十八無出哀毀矢志撫猶子承祧

周至平妻李氏年二十六生子月餘夫故矢節

鞠子生孫壽八十六終

王乾邦妻鄧氏年二十九夫故守節奉事舅姑
教子孫年七十五終

周山甫妻武氏年二十五生子三月夫夭氏與
孀姑勵志鞠子成人

庠生劉隆瑛妻鍾氏年二十四夫亡守志奉翁
姑生死撫孤宗榮成立苦節四十九年卒

監生蔣一伍妻秦氏年十九夫天生遺腹子秦

事姑猶母撫孤成立

鄒氏雙節庠生瓊生妻周氏男庠生廷對妻王氏周年二十九夫亡矢節盡婦道教育四子皆列庠序王年二十六夫亡遺一子并撫猶子爲兩嗣勵操以繼姑志

劉德熙妻李氏年二十八生子數月夫亡勵志事育晚歲喪子復撫三孫

王公望妻童氏年二十七守節奉姑孝教次子祖成成名有學行

王朝燭妻楊氏年二十六夫亡矢志奉姑撫二

衡州府志

卷之二十五

清泉列女

九

孤成立

李福熙妻余氏年二十五夫亡奉舅姑撫孤長子未娶天次子娶媳生孫天氏與孀媳備歷艱辛年八十一終

全仲偉妻鄭氏幼失怙隨孀母勤苦年二十六歸全生子甫數月夫亡哀毀骨立撫孤有成徐福八妻楊氏年二十六夫亡守節三十六卒入祀節孝祠

唐正容妻謝氏年二十三夫故矢志撫孤成立生五孫子故又偕媳撫諸孫年七十二終

胡光維妻唐氏年二十七夫故勵志撫孤年五十七卒

伍三湘妻劉氏年二十七夫亡矢節撫姑奉舅姑年七十四終

羅仁貴妻王氏年二十三夫繼翁亡奉孀姑苦節撫孤

左紹融妻王氏年二十五夫亡守志撫孤家貧奉舅姑甘旨不使其難

張永清妻蕭氏年二十七矢節奉翁姑教子成立壽八十二終

衡州府志

卷之二十五

清泉列女

十

李孟榮妻劉氏年二十五矢節撫孤壽八十二終

劉成琢妻歐陽氏年二十四夫故無子屢爲烈殉翁姑諭止乃忍死孝養及二載翁亡歐陽乃哀求爲後於夫族親疎舉無應者因倩兄興策營翁葬畢蜜縫喪服赴水死

廖代選妻賀氏年二十六夫亡遺孤二氏誓死守節命二子名永貞永理以見志

周方仁妻劉氏幼適周生十七孿生二子而夫亡家無餘資勤紡績奉姑教子若禹入泮尋天

痛夫痛子終身憂勤年六十八終

羅大科妻王氏年三十矢節撫孤克盡婦道年七十壽終康熙五十年入節孝祠

廖代霈妻楊氏年二十二矢節事舅姑撫夫族子承祀年八十三終

甯仁隆妻周氏年二十六喪夫矢志撫孤及孤姪無有異視年六十八卒

王啟珍妻甯氏年二十七夫亡矢節與姑相依撫孤成立

唐百朋妻全氏年二十二夫亡矢志撫孤年六

衡州府志

卷之二十五

清泉列女

十一

十三卒

甯翀功妻馬氏年二十三夫亡無子女翁姑老貧而獨氏不忍遽死服闋聞將改適擗踊嘔血復吞鹽酢不得死而病年二十七卒

廖善莪妻唐氏年二十八夫故家貧矢節撫孤成立而天復撫孤孫年八十四終

廖望如妻羅氏年二十一夫亡遺孤睿甫週歲矢志教育入泮事翁姑以孝聞

甯陔隆妻彭氏年十九而寡二十遺腹子生家無甌石儲親屬寥落矢志撫孤成立其後子亡

媳嫁復鞠育諸孫年六十九卒

張漢若妻歐陽氏未笄事祖父母外祖父母稱孝女子歸甘貧力勤事公姑稱孝婦夫亡青年矢節年四十二卒

賀士驊妻張氏年二十二夫亡家貧撫兩孤成立奉翁姑尤謹年七十一卒

張某妻段氏幼許字張張因貧爲匪父與翁議將毀盟段聞泣止之恐以貧誣匪及歸年十九見夫行果不端泣諫雖勞不怨冀以莊敬感悟夫終不悛乃密縫衣裳越門首池塘溺死顏容

衡州府志

卷之二十五

清泉列女

十二

如生隣里哀其志爲具棺歛時年二十歲

賀侃齡妻胡氏年二十八夫故矢志撫孤年五十一卒

鄧明哲妻江氏夫亡家貧撫夫姪爲嗣年七十九卒

封定士妻郭氏年二十九夫故翁姑衰老勵操撫兩孤成立

張襄臣女原籍浙江從父貿居衡長未許字因父母老而獨且貧恃女針黹度日遂矢志不字終養父母貞孝感隣里年五十五卒

陸興任妻劉氏年二十九夫亡事舅姑撫諸子成立次子誥入郡庠

唐祖標妻王氏夫歿事舅姑撫二子成立并撫從子之遺孤守節已三十四年

郭良材妻易氏年二十七喪夫蔬食終身勤紡績奉翁生死教子成立

馬繁齡妻張氏夫亡年二十五與姑相依教二子成立家雖貧於族黨守節者加意存恤

庠生曹啟煌妻曾氏年二十八夫故撫猶子爲後終事翁姑今年週甲

衡州府志

卷之二十五

清泉列女

十三

陳善誼妻劉氏年二十八夫亡斷指誓志備歷勤苦撫二子成立

謝廷恩妻賀氏年二十二夫故矢志辛勤事育及子娶媳生二孫而子媳偕亡復撫二孫

監生丁一勲妻伍氏事祖姑及姑年二十八慟夫勤學卒矢志教子今年六十三

劉良志妻范氏生子兩月夫亡范年二十七矢志事舅姑鞠子娶媳鄧氏生孫而子夭又與鄧

撫孤孫范今年六十三

吏員蔣文瑞妻譚氏年二十夫故事孀姑撫二

子成立

蔣文課妻莫氏年二十九喪夫事翁姑盡禮遺孤四皆教育成立

陳士侶妻李氏七歲歸陳年二十夫亡一子復殤撫夫姪爲嗣既婚而卒李終奉事翁姑

監生左修府妻劉氏年二十一生子德沛纔六閱月修府歿氏撫孤成立奉姑盡孝養

全本登妻謝氏本登孤貧謝年二十四歸本登四載生一子本登亡氏矢志撫孤成立

鄒肇庶妻熊氏年二十夫亡無嗣家貧氏勤苦

衡州府志

卷之二十五

清泉列女

十四

事繼姑撫夫姪承祀

彭紹慧妻張氏年二十二夫亡家徒壁立遺孤一歲氏撫孤成立

郭讓治妻羅氏年二十三夫歿遺腹生子撫之成立

監生郭凱治妻羅氏年二十一生子殤而夫隨沒幾經投繯不遂乃與讓治妻同守一姪并撫姪孫二婦冰操凜然歷今已四十一年

庠生鄒肇緒妻丁氏年二十九夫亡僅遺女二人
人家無甌石之儲氏惟針織度日爲二女擇壻

遣嫁今年五十七

王萬一妻劉氏夫亡家貧氏年三十矢志撫二子成立搢持家業

唐前佑妻蕭氏年二十二夫亡奉翁姑撫孤成立

歐孟瑛妻王氏年二十八夫沒承順翁姑撫育幼嗣今三十三年如一日

周宏釗妻蕭氏讀書知大義年二十二夫卒欲殉翁姑以遺腹喻止勉奉翁姑越七月生男撫孤成立

衡州府志

卷之二十五

清泉列女

十五

余汝羣妻丁氏年二十三夫亡矢節鞠六歲孤至二十而天撫夫姪爲嗣生孫而嗣子復天氏撫孫終事舅姑今年五十九

周守灝妻羅氏夫先舅姑亡氏年二十七代夫終子職今年六十一子四人兩存兩故故者之婦感氏苦節咸與矢志

黃金圭妻周氏年二十二夫亡遺孤殤未幾翁又亡金圭弟夫婦亦偕亡遺二子氏撫之以一子承祧奉養孀姑今年六十七

黃靈龍妻李氏年二十七夫故仰事翁姑撫孤

子光亮成立曾元繞膝今年七十四
周載選妻陳氏幼歸陳得舅姑歡年二十三夫
卒撫孤受室生孫而子歿又撫孤孫

周氏雙節庠生洪範妻高氏男世基妻倪氏洪
範幼孤因貧入贅合卺後迫赴府院試皆首拔
過勞成疾逾年卒時高年二十三遺孤世基夫
家無所依高携世基依母家十八年俟世基成
立始還周門忍飢課子納媳生孫而世基夭媳
倪氏年二十七并矢志撫孤樹本入泮學使鄭
手書兩世冰霜旌其閭今高年七十二倪年五

衡州府志

卷之二十五

清泉列女

十六

十

陳俊德妻蕭氏年二十八夫故舅姑老二孤幼
矢節奉事勤紡績撫二孤成立

廖興鐸妻賀氏年二十一夫沒翁姑生三子皆
先天僅夫弟遺二子氏撫族子爲子并撫夫弟
之二孤奉翁姑及撫子生孫而夫婦又夭氏撫
孤孫成立今又生子賀年七十二

郭耀治妻譚氏居貧紡績相夫年二十七生子
數月夫卒氏矢志事舅姑撫孤授室生孫子又
卒偕媳黃氏苦節今年七十九

左先昆妻傅氏年二十五夫卒事舅姑如處女
依慈父母歷艱辛撫孤有成

閔世相妻曾氏年二十四夫亡子幼翁姑老病
甘貧矢志迄今四十八年

湯學壁妻曾氏年二十三聞夫遭溺死慟不欲
生翁姑勸以撫孤乃矢志撫孤成立

陳宗衡妻王氏年二十八夫故一子生方六閱
月氏孤苦事姑撫孤今年六十三

楊正宣妻陸氏年二十三夫亡翁姑老遺腹三
月生子陸苦節事育今已三十年

衡州府志

卷之二十五

清泉列女

十七

劉漢琰妻歐氏年二十七夫故家貧撫孤成立
生孫及子喪媳汪與同守節

許昌柏妻段氏年二十五夫亡家貧二子幼艱
貞守義歷今三十年

賀立禪妻羅氏夫故姑老子幼氏時年二十九
矢志事畜今年六十四

劉凝禮妻童氏年二十七夫故矢志奉姑撫二
子成立

賀立謨妻王氏年十八夫亡矢志事翁姑撫孤
今年六十

蕭必運妻全氏年二十七甘貧守節終事舅姑
撫孤成立

蔣時迎妻王氏年二十二生子甫十日夫亡奉
翁姑教子成立

朱兆榮妻蕭年十八生子甫六閱月夫卒矢志
奉翁姑撫孤成立

蔣時文妻黃氏年二十四守節奉姑課子成立
全仲文妻張氏年二十九夫亡遺孤三撫之皆
成立

劉仕治妻陳氏年二十三夫卒翁老姑病子幼

衡州府志

卷之二十五

清泉列女

十八

苦節事育歷今三十四年

何宗瑛妻彭氏未嫁時翁姑偕亡瑛貧痼疾氏
年二十六始嫁甘貧侍疾年餘生子僅六閱月
瑛卒撫之成立

何惟機妻劉氏生子殤而惟機卒氏年二十八
撫猶子爲後奉姑守節

蔣文彥妻王氏年二十八守節葬翁事姑鞠育
二子皆紡績以給

羅荆湘妻賀氏年二十四夫故矢志奉翁姑撫
孤至生孫而天又撫孤孫

賀天初妻曾氏年二十二夫故矢節及翁沒家式微艱貞育孤生孫今七十八

劉長發妻胡氏年二十七夫沒鬻衣裳以葬勤女紅以事孀姑撫兩孤成立

劉蘭兆妻顏氏年二十八撫孤勵操代終事育黃子亨妻朱氏年二十一夫亡遺腹生子矢節撫子生孫而子天復鞠幼孫成立

王氏雙節世祐妻徐氏男獻節妻石氏徐生獻節甫週歲而世祐天時徐年二十四撫獻節成立生孫而獻節又天獻節妻石年二十三與徐

衡州府志

卷之二十五

清泉列女

十九

姑媳同貞相依如母女今徐年七十餘石年五十餘

石之任妻莫氏年二十七夫故子十歲矢節撫孤成立

張少述妻賀氏年二十六夫故奉姑撫二子成立

丁乃周妻羅氏年二十八夫亡撫育四子孀姑廖壽九十餘氏盡孝養今年六十七

丁文奇妻董氏年二十八夫殞矢志撫四子耕讀成業今壽九十又二猶治紡績不輟

彭氏雙節文燦妻蕭氏文燁妻顏氏蕭年二十
五夫亡遺孤二矢志撫孤今年六十一顏年二
十三夫亡遺腹生子誓與蕭同貞鞠子成家今
年六十一
范應鼎妻王氏年二十三夫卒遺孤二長隨殤
矢節勤紡績撫育次子終事舅姑
李朝盛妻楊氏年二十六家貧撫孤成立
陳憲治妻周氏年十八適憲治憲治應學使童
子試以額滿見遺抱鬱卒時氏年二十三矢志
撫孤成立

衡州府志

卷之二十五

清泉列女

二十

蕭錫類妻倪氏年二十四夫卒於滇無子氏誓
志奉翁依母家以終孝養

梁氏雙節世元妻朱氏男紹湯妻沈氏朱年二
十夫卒舅姑衰老遺孤紹湯朱矢志事育爲紹
湯娶媳沈氏連舉三孫而紹湯夭時沈年二十
五姑媳相依勵操撫成三孫今朱年七十四沈
年五十四

余汝智妻郭氏氏年二十五矢節撫孤今年六
十三於九旬壽姑猶必躬親視膳

庠生劉芳嶽妻賀氏年二十九矢節撫孤

胡大訓妻陳氏年二十六苦節教育二子成立
賀立錦妻李氏年十九夫亡生子僅四月時翁
姑在堂三叔俱幼恃氏紡績以供家計今氏子
成立三叔感氏德不忍分爨
尹甲先繼妻曾氏年二十四夫故前妻有子氏
撫之成立
歐陽正璋妻吳氏年二十四夫喪孤二一孩提
一方娠氏皆撫之成立今年七十七
陶聖仰妻張氏年二十七矢志爲夫終子職撫
諸孤今年六十三

衡州府志

卷之二十五

清泉列女

二十一

徐璧拱妻周氏年二十四適拱璧甫兩月拱璧
亡烈殉者再閱八月生遺腹子奉翁姑甘貧撫
孤今年六十

劉慶懋妻陽氏年二十三夫與姑繼亡氏矢志
撫孤奉翁養并撫夫從子皆成立二幼叔亦資
其匡助

丁一徽妻李氏年二十四夫亡無子撫夫從子
爲嗣

庠生廖禮琦妻戴氏年二十夫亡家貧矢志甘
貧勤紡織事翁姑撫孤成立今年八十八

甯明仲妻謝氏年二十七夫亡子幼舅姑衰老
矢志不渝

歐陽文雋妻顏氏年二十五夫將卒時囑以從
子爲嗣氏撫之以奉老姑力勤事畜

胡國珽妻賀氏年二十夫故氏挾髮投棺頭觸
血流幾死翁姑救甦乃矢節撫孤成立娶劉氏
生孫而子天劉年十八誓共冰霜撫孫成立
周天運妻何氏夫亡年二十四扶侍姑疾撫一
子生孫而子天又與孀媳陸氏撫孤孫

王朝繪妻黃氏年二十四夫亡子甫週歲舅姑

衡州府志

卷之二十五

清泉列女

二十二

繼逝備閱艱貞

王朝肱妻唐氏年二十夫亡苦節撫孤成立孝
事孀姑今年五十六

周玉正妻朱氏年二十七生一子夫故家貧矢
志勤紡績奉舅姑撫子成家

唐氏雙節祖治妻羅氏祖法妻周氏羅年二十
二夫歿周年二十夫沒皆感姑鄧氏中年孀居
撫成祖治祖法而相繼天相與矢節各撫一孤
以慰孀姑今羅年五十七周年五十三各撫孤
成立

李敬先妻吳氏年二十七夫亡奉姑教子今年六十二

江文藻妻劉氏年二十一夫亡無子以從子爲嗣及婚復天又撫從孫承重

劉九玉妻羅氏年二十九夫故撫遺孤四人奉事舅姑今年六十三

唐思鸞妻胡氏年二十一夫卒矢志節孝翁姑撫孤成立

庠生劉開謨妻余氏年二十七開卒矢志撫孤生孫今年六十九

衡州府志

卷之二十五

清泉列女

二十三

彭興鄴妻張氏年二十八夫亡氏慟興鄴并慟孀姑守興鄴相繼而逝苦節繼志撫孤成立
羅介繁妻張氏年二十三夫故姑年八十餘二孤幼苦節奉姑撫二孤成立

廩生歐陽宗銓妻劉氏年二十八夫亡矢志節撫孤侍舅姑疾晝夜不懈

監生周之岐繼妻王氏年十九生一子二十六孀居與老姑相依并撫元配遺孤恩逾所生

歐陽寶含妻劉氏年二十四夫沒遺孤三堅貞撫之成立奉舅姑惟謹

劉嗣周妻鍾氏侍夫疾四載無閒晝夜年二十
七夫故念四子無依忍死恩勤今閱三十二年
劉紹瑄妻陸氏年十九夫亡遺腹生男盡孝養
教子成名乾隆十年旌表建坊今年八十二
黃堯章妻陳氏年二十七矢志事繼姑撫諸孤
成立
監生劉乃瞻妻唐氏年二十四矢節奉翁姑撫
孤成立
甯明讚妻蔣氏年二十八夫沒撫三子成立侍
繼姑病不懈

衡州府志

卷之二十五

清泉列女

二十四

監生胡士佐妻唐氏年二十五夫亡舅姑老子
幼矢志以盡事畜

王永禎妻劉氏年二十夫亡撫遺腹子生孫二
而子夭媳全氏同貞共勤苦教育

唐思翼妻王氏年二十九夫亡無子矢節撫夫
從子爲嗣翁喪明十餘年奉事不懈

周萬巍妻龍氏年二十四夫亡撫兩孤成立
廖肇唐妻羅氏年二十二而寡撫孤成立事九

旬姑克孝

何秉誠妻譚氏年二十七僅一女矢節撫夫兄

子承祧事舅姑克謹

顏登貞妻張氏年二十一夫偕姑亡無子撫猶子中智承祧

謝朝相妻王氏年二十九夫亡事舅姑撫二子今年六十五

陳永祐妻謝氏年二十六夫亡矢志事姑撫孤今年六十四

盛興讚妻常氏年二十五守節撫孤成名姑亡事舅克謹

賀乃羣妻陳氏年二十九夫沒矢志甘凍餒勤

衡州府志

卷之二十五

清泉列女

二十五

女紅事舅姑撫三子成立

王朝福妻歐陽氏年二十六夫亡家貧遺孤三矢節侍姑病廢寢食

蔣克一妻羅氏年二十一夫亡僅生一女慟姑寡叔五齡矢節事姑爲叔娶撫猶子承祧叔敬之若母

瀟淑如妻陳氏年二十七夫沒矢節事翁姑撫孤成立

李朝麟妻劉氏年二十八夫故感姑余青年守節誓儗冰操撫孤成立

鄭世雄妻胡氏年二十七夫卒姑老二子幼矢節教子成立

王端鎬妻何氏年二十九夫卒翁哭子喪明孤生纔五閱月氏敬養翁姑壽俱踰耄撫孤成立
羅孔燕妻陽氏年二十二夫亡矢志奉姑撫孤成立

劉文捷妻■氏年二十八夫故孤甫週歲舅姑老矢志事育

左聖明妻張氏年二十七夫故氏撫孤娶媳全氏生孫而子夭又與媳撫二孫成立

衡州府志

卷之二十五

清泉列女

二十六

李可相妻王氏年二十七夫亡門內死喪頻仍家素貧王矢志以織紉爲生計撫二子成立
羅守權妻陳氏年二十九夫故矢志教育諸子成立

王端意妻夏氏年二十八夫亡甘貧守節終事舅姑撫子成立

何芳傑妻王氏年二十五夫故矢志勤女紅順事老姑教成幼子

李繼華妻蔣氏夫出就外傅暴卒氏年二十三扶櫬歸葬苦守藐孤成立

楊召南妻王氏年二十五夫故遺腹閱五月生男矢節撫之成立

顏見飛妻吳氏年二十三守節奉孀姑撫幼子今三十三年

何惟楚妻劉氏年二十八夫亡無子撫猶子爲嗣生孫奉翁姑克孝

黃嗣漢妻蕭氏年二十七夫亡奉繼姑撫三子今年六十二

王天儲妻胡氏年二十九夫亡矢志奉舅姑教二子今年七十七

衡州府志

卷之二十五

清泉列女

二十七

劉氏雙節奉璋妻陸氏男天掌妻謝氏奉璋亡陸年二十六撫兩孤事翁姑及祖翁姑未幾奉璋弟沒婦羅亦孀居兩世養生送死陸倡羅隨皆盡禮兩孤成立長子天掌娶謝生一男而天次子娶媳生四男而夫婦相繼天謝誓與姑同貞今陸壽七十六謝年近六十五孤咸立賀士璇妻陳氏生子甫三月夫卒氏年二十一撫孤矢節今年七十一生孫三

周世熙妻鄒氏年二十九夫沒矢節奉姑鞠成二子

丁一炯妻胡氏年二十二慟夫無嗣卒撫從子
爲子家貧甚紡績夜分不休艱苦倍閱

張世偉妻劉氏年二十九夫沒矢志節撫孤

陸興繼妻李氏年二十三夫沒遺腹生子矢志
撫育孝奉舅姑

李燕皇妻周氏夫沒一子方孩周年二十一矢
節今年五十九

監生何宗儒妻歐陽氏年二十八夫故矢志今
年五十八

陽繼武妻孟氏年十九夫故撫遺腹子成立

衡州府志

卷之二十五

清泉列女

二十八

陳如鵬妻王氏年二十四夫故撫遺腹子成立
胡國望妻劉氏年二十三夫故奉翁姑撫三孤
成立生一孫乃三子相繼沒一孫因貧遠貿不
歸氏孤苦無告現年八十三

王復旦妻尹氏年二十九夫沒矢志順事舅姑
葬祭如禮

甯德亨妻王氏幼適甯姑沒翁病兩載氏奉侍
無閒年二十三生一子夫亡家貧矢志逾年夫
弟亡猶子無母氏育之與己同皆爲娶婦已而
生孫不數年子又亡孤又無母氏又育成孤孫

胡天鳳妻唐氏年二十四夫亡矢節撫孤并撫夫弟之孤其後子媳並夭因而撫孫

謝廷崧妻劉氏年二十一夫亡無出甘貧守節奉事舅姑

唐國柱妻常氏年二十夫亡矢志撫孤翁姑恃以終老

唐祖憲妻王氏年二十四夫亡子幼勵志撫成姑沒翁存奉養克敬

鄧啟斐妻謝氏年二十九喪夫矢節甘貧勤操作撫孤成立

衡州府志

卷之二十五

清泉列女

二十九

李順之妻陳氏年二十六而寡勤紡績以育二孤拮据以事翁姑生死

庠生劉興第妻嚴氏年二十九孀居家貧力勤奉翁教子太儻入泮

蔣一乾妻熊氏年二十二夫亡奉舅姑撫二子今年五十七

莫玉測妻蕭氏年二十生子甫九月夫亡矢節忍飢寒勤紡績以終事舅姑鞠養幼子成立

謝正霍妻陽氏年二十五夫亡矢志奉翁姑撫孤成立

李象賢妻黃氏年二十七喪夫矢志撫孤成立
侍翁姑疾克謹

李惟則妻劉氏年二十七矢節撫三子奉舅姑
今年五十八

陳永琪妻王氏年二十六夫亡矢志奉姑鞠子
及子夭姑沒氏倍閱艱苦

陳尚堅妻王氏年二十四夫故奉舅姑育二子
今年六十四

歐陽燦如妻王氏年二十六喪夫家徒壁立矢
志勤鋤種紡織奉姑生死育成諸孤

衡州府志

卷之二十五

清泉列女

三十

曾允康妻王氏年十九夫故家極貧氏就義備
歷艱辛撫成一子今年六十一

周世義妻歐陽氏年二十八夫亡遺孤生六閱
月逾年復殤撫從子承祧貧能孝養

張忠仁妻李氏年二十四無出夫病革剪髮付
夫夫執髮而逝氏撫從承祧

左先爲妻歐陽氏年二十六矢節勤紡績事舅
姑撫成二子

王宜先妻蕭氏年二十八苦節教育三子終事
舅姑今年七十四

蔡淑文女貽貞十歲許字徐某因貧經年貿蜀而卒時貽貞年二十二聞耗泣誓父母曰婦以從一而終女以貞信爲貴有奪吾志寧死無二因望蔡門守貞父母見其志堅與其兄弟共成之貽貞以紡績自贍族黨稱之今年五十六鄧祥明女大貞小貞大貞年將及笄念父母病一弟襁褓無人奉恤乃剪髮不字勤女紅終養弟大竒五歲殤時小貞年十八未字見二親止一姊慘切亦願輔大貞終養後祥明病痊貿遷湘潭年七十餘卒母年九十卒生事死葬皆二

衡州府志

卷之二十五

清泉列女

三十一

貞力并爲弟大竒撫子承祧

劉氏雙節監生方鍾妻尹氏男監生文璧妻馬氏尹夫亡年二十六馬氏夫亡年二十姑婦同貞撫孤成立今尹年踰七十馬年踰五十

胡登泮妻陽氏年二十七夫故翁姑繼歿氏苦節撫幼孤成立

蔣時綜妻何氏年二十四夫故矢志事育今年六十九

蔣文耀妻謝氏年二十六夫故事孀姑育孤成立今年七十

蔣廷獻妻劉氏年二十六夫故家貧事舅姑撫
幼子二皆成立

附貞壽

謝士鳳妻唐氏秉性安和持身靜穆壽登一百
二歲

衡山縣

宋

趙淮妾長沙人逸其姓名宋德祐中淮兵敗元殺淮棄尸江濱妾俘一軍校帳中解衣中金遺其左右請埋淮尸軍校憐之使數兵輿至江上妾聚薪焚淮骨盛瓦缶中抱缶躍水而死

明

董惟嶽妻歐陽氏流寇夜焚其家惟嶽鬪死歐陽率子弟敵賊不勝奮身赴火死

劉女午貞同母弟鳳山佐令西川父母在堂定

衡州府志

卷之二十五

衡山列女

三十三

省之事一委之午貞父母甚倚賴焉將爲之擇配午貞泣曰吾死不願也母氏沒志益堅迨父沒出女工所積作石冢葬之而自營壽藏於側且建庵以守墓作橋以利涉嘉靖乙丑攸縣劉欽薦改所建黃板橋爲貞義橋撰文以記之女得年九十六

陳氏女小字竈貞父斗宇無嗣僅生女一人里黨聘之女以母死父年老無人侍左右遂自誓終養不字崇正末流賊橫東南女遭寇擄毀容大罵奪刀欲刺之賊怒碎女尸於港子山

蔣志泰妻梁氏適蔣生一子甫七月志泰卒家貧守節事姑盡禮天順初旌

吳紀繼母武氏年二十五爲孀婦斷髮矢志督課藐孤五十年完節仲子維領鄉薦季子紀成進士官浙江叅政王陽明先生爲作甘棠頌武氏累封太宜人

邑廩生康菩生妻鍾氏年二十四夫亡矢志柏舟自壯至耄始終如一邑令郭廉其節旌以扁額曰節壽雙隆年九十二卒

康時昇母戴氏年二十五守節教子時昇獲雋

衡州府志

卷之二十五

衡山列女

三十四

爲惠來令迎母之官猶布衣蔬食年九十終

陳氏周文炳嫡母也無出側室生文炳夫早逝氏守貞不貳撫文炳如己子教之成諸生後遭亂離辛苦逃竄母子相依慈孝兩全

彭某

名闕

聘妻康氏年十五許字彭未幾彭隨父

母入蜀竟不歸氏父憐之欲他配氏不從蓬鬢守貞四十餘年卒

進士周廷叅繼妻易氏歸周時年方笄即任家政萬歷乙未廷叅成進士令海寧易猶椎髻素衣自若也及廷叅卒京邸易悲涕幾以身殉竟

絕粒食惟少噉菱芡橘藕之屬經二十年人咸異之易以夫乏嗣爲立夫之姪應召爲繼家政嚴肅釋子踰十歲卽不令入內闈及萬歷壬子竟以哀毀歿

州同劉世爵妻向氏事舅姑至孝里中稱無間言年甫壯值夫喪一慟幾絕欲以身殉姑泣諭之乃解親家政秩然有條尤善處變姑年老被盜執乃出碩畫救之不惟己自潛身害而又脫姑於難人服其智謀後姑歿哀毀骨立葬祭如禮性嚴毅家中卑幼雖盛暑不衣冠不敢見閨

衡州府志

卷之二十五

衡山列女

三十五

闈肅然二子德澤德濬一入國學一遊膠序視母若嚴父焉

監生譚宗哲妻毛氏年二十四夫亡欲以身殉宗戚寬之使畱殘息以撫二孤迨子成立仍以悲卒

羅某妻文氏名桂香生而端靜事父母孝母鍾愛不忍離年十七贅壻羅某未三月羅爲兵掠其父箠之曰死矣因有異志文覺之請俟三年自是坐重幌雖至親罕見其面既而父知其難奪乃爲置媵大治粧奩屬諸女弟慫恿之且曰

兒父母在可恃也脫不諱謂終身何文微笑對曰兒能自爲計不煩父母也乘間沐浴華飾更新衣投繯比覺則氣絕矣衣履俱密線疊縫無隙

曠聖福妻羅氏年二十夫亡氏絕粒數日死姚舜祚妻曹氏獻賊兵至舜祚挈家避兵紫蓋峰忽傳賊至走尊聖冲氏爲賊所獲逼不從連傷八刀死巡撫章曠聞其節遣姪率縣祭之廖尚文妻周氏歸尚文生一子名仕達闖賊寇衡周與姑蔣避山中賊掠其姑將殺之周出冒

衡州府志

卷之二十五

衡山列女

三十六

白刃願以身代賊謂周隨營乃釋其姑周佯許之姑得脫周隨行至虎檻塘奮臂投水賊怒刃其手爲兩段時崇正癸未九月十六日也死七日姑哭之意必隨營去矣忽夜半仕達夢周呼兒來塘中且往尋之果得尸顏色如生

陳爵妻單氏年二十七爵死遺子廷佩五歲有諷之改適者單泣唾之撫廷佩工儒業尋補衛經歷

本朝

王之位妻董氏之位早卒董鞠孤子灝成立娶

婦李氏初未舉子撫子於槎爲嗣灝沒遺腹生子於楫而李氏沒董爲於楫娶譚氏譚方三十于楫又天董與譚共育曾孫祖姑孫媳相依爲命有司表其門曰貞操三代

譚女守貞父爾超以女許王姓未及于歸王卽天歿時貞年十六歲父欲另爲擇配貞曰女子無再字之義守志終老是所願也以紡績度日年至五十冰操凜凜

黃登宸妻文氏年十七適登宸生一子登宸素貧幕遊西粵負疴疾歸家彌留之際矚文終喪

衡州府志

卷之二十五

衡山列女

三十七

文剪髮投懷以死自誓家徒壁立不得已携其子歸母氏饘粥不給或雜園蔬食之紡織辛苦撫藐孤成立以節旌

庠生曠騰陞妻姚氏年十五適騰陞少能文而氣盛年十六食餼於庠嘗買舟抵武當時鄖襄寇盜充斥騰陞隻身嬰賊鋒卒脫於難姚嘗慮其凌厲懼不克善終委婉勸戒姚年二十騰陞沒守節六十一年雖母氏迎歸未嘗一徃歲時夫弟詣門但令僕婢傳聲而已嘗呼諸孫女孫婦講小學內則誠曰婦人夜行以火人避汝耶

汝避人耳晚丁兵燹家落茹荼嚼蘖惟課兒孫力學子爲名諸生孫敏本選庶常吉士數本成進士其貢成均列膠庠者不下二十人乾隆二十二年旌

庠生唐嶷勲妻劉氏年二十七夫故屢欲以身殉姑勸乃止課子欽列明經康熙五十二年旌戴某闕名聘妻譚氏許字戴戴天譚年方十四誓不再字事父與祖母及繼母盡孝友愛諸弟備至

王某闕名聘妻譚氏幼字王未嫁王天譚年十六

衡州府志

卷之二十五

衡山列女

三十八

紡織度日誓不再許字以貞終其身

按二譚亦近過情而完貞皎皎固自可欽

茹某闕名妻何氏夫早逝撫兩孤就學未幾舅亦

逝何事姑極孝敬姑既耄何年亦六十姑病危何扶持頃刻不離左右乾隆元年旌

庠生曠敦行妻劉氏年二十四敦行沒課二子皆成諸生

文爾篤妻顏氏年二十七夫亡守節孝事舅姑雍正四年旌

陳元龍妻王氏年二十七元龍卒子文焯方四

□繼姑歐陽已七旬王苦志勤紡績養姑課子
文焯成諸生又中年逝王撫其孫延師督課辛
苦備嘗以節孝旌

庠生曠昭陞妻陳氏年二十五昭陞歿撫孤子
慧躬紡績督課成諸生

劉自順妻張氏初歸自順無子姑常以嗣息爲
念張力勸自順置妾慈惠備至後張竟舉子事
姑孝敬至老不衰夫婦俱以孝旌

歐陽次元妻胡氏年二十九次元故遺二子一
女氏奉姑嫜和妯娌苦節訓子數十年如一日

衡州府志

卷之二十五

衡山列女

三十九

乾隆三年旌

監生周廣綬妻趙氏事兩繼姑極孝廣綬遘疾
將死趙悲泣欲絕廣綬呻吟復作色曰有兩孤
在姑復多方慰解乃截髮納棺中誓死守時年
二十七兩孤黃口及長督課且杖且泣一夕夢
廣綬與語甚悉起謂家人曰吾從夫地下矣沐
浴更衣而逝

庠生曠暉妻蕭氏年二十八暉亡暉弟暄妻劉
氏年二十七暄亡娣姒茹荼堅守課子成立暉
孫深本領武解額成進士現任陝西峽口都閩

周廣維妻方氏年十七歸廣維生一女廣維病劇語方曰我死汝少家貧無依可改嫁但囑吾女長一歲一拜墓下耳氏泣引刀割臂自誓廣維歿哀毀僅骨立撫姪正詠爲嗣不啻己出監生歐陽培裕妻李氏年二十四培裕亡遺子二女一李毀粧誓不二未幾子女相繼夭李爲合葬培裕之塋且營一穴以自待朝夕哭墓所不數月卒

王寧一妻黃氏年十七寧一歿僅遺一孤黃挾晴毀面誓死守寧一之兄涎其產欲使改適黃

衡州府志

卷之二十五

衡山列女

四十

持刀拒之得全縣令表其廬

胡坤含妻何氏年二十五坤含卒姑老子幼家貧甚紡績給饗殮苦志二十三年卒縣令陳齊芳表其門

李琇妻曠氏琇少孤家貧終鮮兄弟琇卒曠年二十八矢節撫三孤成立曠幼明大義事父母純孝父歿母姚氏一子早卒就養於曠定省不懈翁病噎晨昏調護維謹翁歿姑老多病扶掖抑搔不少怠其姪女適文貧不能自存時勉力周之教子甚嚴勤紡績以資束脩家有婢女五

擇良家嫁之遣其僕並貸其直卒年七十三命
喪葬不得用浮屠子光湘宗槌宋槌皆爲名諸
生

單坤筮妻沈氏歸坤筮生子士柱未一歲坤筮
歿沈年二十三志不欲生姑抱孤泣諭之令爲
夫後計孝事翁姑三十餘年如一日翁在床褥
三載湯藥必親嘗喪葬皆盡禮教士柱列明經
雍正間旌

曠子敬妻楊氏年二十孀居撫弱姪承祀教之
讀書無何繼嗣夭折楊哀動行路族人憐之爲

衡州府志

卷之二十五

衡山列女

四十一

立專祠以祀

劉映川妻顏氏父啟翼無嗣有貧者貸券存氏
手悉焚之既適劉生一子映川歿氏年二十哭
之慟死而復甦嘗自爲哀草以哭其夫有殉夫
恐喪孤之句

曠一才妻康氏年十八一才歿無子康矢節撫
姪爲嗣教之成立年八十卒

劉源遠妻曠氏年二十八夫故四子皆夭舅姑
老家貧氏以紡織供甘旨服勤至死撫堂姪烝
爲嗣

庠生秦祺生妻朱氏祺生少出爲叔後朱同心
黽勉敬舅姑和妯娌家無間言年二十五祺生
歿朱守義飲泣無何二子俱喪苦節五十年
庠生文潢妻周氏年十九潢歿遺孤僅一歲又
殤氏慟不欲生姑慰之乃更撫姪爲嗣以苦節
終

庠生廖宜家妻李氏年十四適廖姑在床褥氏
朝夕左右衣不解帶姑歿宜家亦病撫摩床第
者九年宜家死撫遺孤自守事繼姑尤盡孝

庠生楊輝臣妻周氏年二十四夫故乳哺在懷

衡州府志

卷之二十五

衡山列女

四十二

辛苦備嘗事姑二十餘年姑老病奉湯藥維謹
姑年九十終氏哀動鄰里

唐衿先妻譚氏年十二適衿先衿先病狂氏事
之能順且敬衿先歿氏年二十四一孤甫三歲
翁姑老能盡孝敬姑瘋捧抱不離者五載

楊尚文妻曠氏年二十一夫卒一子淑方在抱
舅又歿繼姑病痿痺扶侍不怠教子有法不令
染澆俗家近嶽廟不隨俗拜謁

易亮宇妻劉氏亮宇早卒劉矢節撫繼子承祀
族有利其財產者逼使再醮劉携子鳴於官祀

得不殄

康曾祐妻王氏年二十四夫歿長子受思五歲次受志三歲氏以鍼線紡績爲生姑老病氏扶持起居數載不倦氏年垂八十猶勤女紅

劉再柳妻向氏年十八適劉未四載夫故撫子名德成立家有婢嫁之不取直有貧家欲拆其媳氏出資給之得完勤紡績六十餘年不倦

監生茹其享妻顏氏夫艱於嗣顏出奩資助夫娶妾姚氏萬氏生二子年二十九夫故顏守志不渝

衡州府志

卷之二十五

衡山列女

四十三

庠生丁士瞻妻向氏幼適士瞻士瞻歿氏持家政姑黃早喪事繼姑方盡孝姑病晝夜奉持不怠姑止一女早喪遺子尚穉氏撫育婚配之夫弟夫婦繼逝遺子世烈亦教養婚娶如己出及長家產皆簿還之人稱其賢

譚緒文妻樊氏緒文病篤謂樊曰我死汝少子尚幼將若之何樊引刀割髮自誓夫歿樊年二十七事姑盡孝辛苦教子成諸生

楊林生妻綦氏年二十三夫故子幼氏織紵勤苦事姑三十四年無缺禮嘗語子媳曰人之所

以不死者惟此心耳年八十五不妄言笑
許文熙妻王氏年二十四夫故無子撫姪爲嗣
事孀姑貧盡孝以節終

陳次知妻曹氏年十七于歸歲餘夫卒遺孤六
月事七旬姑盡孝訓子有方子方壯又沒撫孫
七人皆成立學使阮學浩表其門

金任彩妻詹氏邑學生詹岐女也年二十夫故
遺子一歲又遺腹生一子舅老叔亦釋氏忍死
守節事繼姑孝育二孤成立

趙應琇妻陳氏年十七適應琇應琇病劇泣謂

衡州府志

卷之二十五

衡山列女

四十四

氏曰父母在堂弟幼汝其爲我善事之氏承夫
志敬事舅姑撫族子逢運爲嗣教之成諸生又
先氏卒孫幼氏集蓼茹荼四十餘年不懈

歐陽山妻謝氏山髻齡成諸生赴省試溺死氏
聞慟絕復甦家徒四壁茹苦守節事姑克孝
趙拔先妻劉氏年二十三拔先病危囑以奉姑
教子拔先死劉矢節撫孤事姑後二子俱未四
十卒媳丁氏左氏咸奉劉訓守志以終

蕭衡所繼妻單氏年二十夫亡撫前妻二子成
立紡績勤苦孝事老姑孫應柱領鄉薦

庠生曠士筠妻黃氏年二十六士筠逝氏欲以身殉母氏慰解之乃斷髮毀容泣血三載時翁年近八十氏殫心代夫供子職族里稱其孝教兩孤成立長衍本入成均次從本補弟子員熊瑞珍妻康氏年二十四夫亡矢節三十餘年心血爲枯

康佑培之母趙氏早歲喪夫礪志苦守佑培趙夫弟子也事趙踰所生佑培又天趙飲泣撫孫茹苦四十年

譚尚逯妻唐氏年十九夫亡紡績自存五十九

衡州府志

卷之二十五

衡山列女

四十五

年如一日縣令表其節

蕭式和妻曹氏年二十五夫亡遺兩孤薄田止數畝氏奉老姑養生喪死無缺辛勤訓子成立縣令葛亮臣表其門

蕭羽伯妻秦氏事舅姑盡孝侍姑病衣不解帶者年餘一日進羹仆地羽伯怒變色姑曰吾非若食不下咽何怒爲氏念父母無依迎養終老囑子若孫春秋祭掃無缺

趙序皇妻文氏年二十六序黃故遺孤三歲家徒壁立值滇寇蹂躪文扶姑挈子避亂山中辛

苦萬狀縣令葛亮臣表其門

胡正方妻陳氏年二十六歲夫故遺胎方七月
忍死以待後生男入國學

饒開懋母劉氏年二十夫卒子開懋方四歲家
徒壁立劉辛勤課子雍正癸卯開懋領鄉薦任
直隸蠡縣知縣劉年八十餘卒

許明由妻向氏年二十七夫歿無子撫姪承祧
守節四十餘年

曠恒德妻劉氏年二十于歸生子聖麟甫三歲
恒德赴部銓卒於京樞至氏蓬髮溺於池家人

衡州府志

卷之二十五

衡山列女

四十六

救之姑以弱子泣諭乃含淚撫孤貞操懋著
陳玉輅妻董氏于歸後嘗截指激玉輅讀書玉
輅早入學未幾卒氏勵冰操孝事兩世孀姑家
政肅然知縣郭大定贈以女中丈夫額

劉衍唐妻王氏年二十八衍唐歿王撫棺長慟
封髮毀容守節二十五年

文光國妻劉氏歸文纔五日姑龍亡劉哀毀盡
禮時堂上惟祖姑存年已七十七光國歿孤兒
尚在抱氏矢志堅守含辛茹蘖教其子景濂補
弟子員

陳之機妻趙氏年二十八之機歿趙剪髮置懷
中誓死守家徒壁立盡褫衣飾終喪塋撫遺孤
成立苦節二十六年

曠士符妻黃氏父興禮歿無嗣黃年六歲哀號
如成人及適士符事翁姑能得其歡心士符卒
黃年二十八與妾姚氏共守遺孤五姚出者二
黃撫之不啻己出延師督教俾皆成諸生士符
先翁歿黃襄殯葬無違禮有楊姓者欲嫁其妻
黃出金全之

戴祁妻向氏年二十五祁歿遺孤三向矢志守

衡州府志

卷之二十五

衡山列女

四十七

節事姑孝喪葬不違禮課子有法度知縣德貴
表之以額

喻良臣妻何氏年二十九夫卒矢志守節諸叔
廢棄田產略盡氏以女紅供翁姑甘旨務得其
歡良臣之四弟已析居矣病歿無以爲葬氏猶
出手織布疋及衾帳等物易棺葬之教三子俱
成立守節五十三年乾隆十四年旌

彭某

名闕

聘妻康氏年十五字彭彭隨父入蜀遂

不返父母欲改嫁之康蓬髮毀容以節自矢事
父母極孝

曹學山妻李氏年十五適學山學山病其爲田家女頗弗見禮李執婦道益恭且善事孀居得其懽心學山爲之感動情好日篤生一子天學山復死李年二十撫姪徵岐爲夫後其母及兄弟憐其少無子諷改嫁李拒之未幾迎李歸省諷之如前李益怒罵旣寢投繯墜於樓覺而救之得不死折其左足自是無敢言者初夫兄學愚生二子長徵彥次即徵岐學愚夫婦早逝李並徵彥撫教之徵彥不知其非母也及徵彥成諸生李乃令還承父祧其有造於曹如此乾隆

衡州府志

卷之二十五

衡山列女

四十八

二十三年題旌

曠嵩本妻陶氏年二十四嵩本歿遺孤聖淑甫三歲陶痛哭嘔血祖姑胡泣慰之遂矢守而胡又以哭長孫喪明陶竭力扶侍爲茹齊祈禱胡目竟復初陶念嵩本齋志課子益嚴聖淑食餼於邑孫世賢亦成諸生壬申歲饑陶出穀五十石資族里之乏者乾隆二十二年旌

吳岐妻曹氏年十九岐亡長子方一歲次尚在遺腹曹欲以身殉舅姑抱孤子泣諭乃止敬事舅姑生養歿葬無違禮教育兩孤篝燈督課並

命其甥陽桐楊榮同就學膏火皆代籌之次子正錦食餼於庠兩甥亦相繼領鄉薦

唐欽詢妻周氏年二十四夫亡遺二子一女矢志甘貧敬事舅姑教育孤子成立

文會其妻許氏年十九于歸躬操作佐夫讀書甫一歲而夫亡遺腹生一子忍死撫之舅垂老氏事之維謹

劉家林妻谷氏年二十夫亡矢志撫孤敬奉舅姑勤儉持家數十年如一日

邊子肩妻萬氏年二十五夫亡遺孤甫一歲氏

衡州府志

卷之二十五

衡山列女

四十九

侍奉舅姑教子讀書年八十餘

監生唐欽垣妻周氏年二十二夫亡矢志守節上奉舅姑下育兩孤

曠庭本妻趙氏年十八守節奉旌

趙應理妻楊氏年二十七夫亡氏奉舅姑和妯娌教育二子以節終

劉國榜妻陳氏年二十二夫亡氏念上有舅姑藐孤待哺忍死守節三十餘年

周運鴻祖母張氏年十八夫亡遺子半歲氏辛勤撫育至於成立

羅茂孫妻丁氏年二十一夫亡遺孤二長三歲
次尚未一歲氏克承夫志事舅姑以孝教子有
方二子皆成立冰操三十餘年

歐陽開煦妻易氏幼嫻女訓歸歐陽以節著

王宗山妻袁氏年二十夫亡守節三十餘年

唐敬勲妻陽氏年二十二夫亡遺腹生一子教
之成立

顏登甲妻文氏年二十三守節事姑孝家無間
言

許希陶妻唐氏年二十夫亡撫孤奉舅姑貞操

衡州府志

卷之二十五

衡山列女

五十

二十八年

熊瑞生妻向氏及笄歸熊熊故貧氏勤女工以
贍事老姑以孝稱

文瑜妻王氏年二十餘矢節撫孤成立事舅姑
克孝

周亦文妻楊氏年二十四夫亡氏守節三十餘
載

丁永峰妻歐陽氏年二十四夫亡守節

文具妻楊氏年二十九守節

劉其有妻譚氏

蕭五常妻姚氏

朱六相妻李氏

按以上三人皆舊縣志所無而通志亦但列其名今姑照通志附載

雷春浩妻顏氏年二十六夫亡無子撫夫弟次子爲嗣事姑孝家貧竭力孝養甲辰火災姑病在床火逼寢戶氏冒火負姑出髮膚俱灼爛鄰里稱之

文忠海妻黃氏年二十九夫亡遺子三氏飲泣撫孤皆成諸生氏不逮事姑事祖姑甚得其懽

衡州府志

卷之二十五

衡山列女

五十一

心初氏父無嗣欲以遺田予氏氏不受爲父撫子承祀以田給之

曠推本妻羅氏年二十二歸曠盡婦道痛不逮事翁姑每翁姑生忌辰致祭惟謹夫少孤賴夫兄教養氏事夫兄姒婦如舅姑夫歿欲身殉念遺孤四歲無依勉進粥育子辛勤擇嚴師不少姑息子或讀書達旦躬紡績以待性樂施捐穀入祠倉社倉以調族里苦節二十三年今年五十

顏世掌妻廖氏年十八歸顏事舅姑甚謹相夫

盡婦道夫以苦讀致疾氏禱以身代夫臨危氏嚙指血染夫手爲誓夫歿氏年二十四有欲奪其志者氏斷髮毀粧撫子道一教之成立守節三十三年今年五十六
曠士篤妻郭氏事舅姑孝年二十八夫歿代夫盡子職課子嚴丙夜篝燈不少姑息子四膺歲薦者一列成均者三性樂施與有許佃逋租六十石謀嫁媳以償氏立蠲之又有劉佃逋租三十石負債重至欲自盡氏蠲其租再給銀二十兩代償其負蓋氏節堅而其德亦可欽云

衡州府志

卷之二十五

衡山列女

五十二

周正寧妻蕭氏年二十七夫亡守節氏事夫甚敬夫喜客座常滿氏供餼饌達旦不倦舅姑早逝氏憾不逮事祭祀必誠敬教子有方二子皆遊成均待諸姪如己出延師教之姪世玉登賢書皆氏教之力也

曠廣本妻周氏年二十六夫亡孝事翁姑翁姑歿葬祭皆如禮夫弟五人同居共爨庭無間言性慈惠有鄰婦羅氏寡難自給氏歲給穀五十石羅母子賴以全活乾隆二十年置棉衣百五十件給孤貧

趙又虞妻鄧氏年二十七歲夫亡今年七十二氏幼孝於父母歸趙事翁姑孝敬尤篤姑疾氏調藥和糜目不交睫者彌月夫病衣不解帶夫死勺漿不入口者累日承夫志刻意教子子皆成立

易鵬萬妻趙氏年二十一夫亡今年五十四歲幼曉大義父母鍾愛之歸易事夫甚敬夫多病好苦讀氏紡績以佐前姑早逝事後姑惟謹歲掃夫塋每見孤鴈哀鳴里中以爲孝感

賔文紹妻涂氏年二十四夫亡守節四十九年

衡州府志

卷之二十五

衡山列女

五十三

氏翁止生文紹一人家貧窘翁精醫活人無算賔客過從無虛日氏辦膳必腆必潔撫遺孤艱苦備嘗俾克成立

饒開柳妻陳氏性柔嘉克全婦道翁姑重之翁嘗遠客夫赴湖北鄉試姑病在床氏侍湯藥衣不解帶者月餘氏於家爲豕婦躬親操作俱膏火以助讀俾夫得率諸弟壹志於學夫弟開懋登賢書亦氏有以成之也夫歿氏年二十六遺孤甫一歲氏絕粒者數日飲泣撫孤兒茹荼躡屣數十年如一日

饒天煥妻文氏開柳媳也天煥自幼以孝稱氏體夫志事孀姑委曲承懽里中有雙孝之目夫素多疾苦無藥資氏盡出嫁時衣裳以償夫歿年二十九歷今五十未嘗見齒教子特嚴子亦克成立

陳湘妻龍氏年十七歸湘湘嗜學年少入學讀書家塾氏奉供俱極精潔善事翁姑翁姑抱孫念切氏勸夫置妾妾生女子四氏爲擇配遣嫁不啻己出蓋人所難能者湘歿氏年二十七孤甫八歲翁姑年老氏忍死矢節今已二十三年

衡州府志

卷之二十五

衡山列女

五十四

趙盛濬妻文氏事翁姑不違翁姑意姑病侍湯藥不離床側姑歿隨夫廬於墓側鄰有欲嫁媳養翁姑者氏給銀俾得全枕

李浩妻蕭氏年二十一夫歿四月方生一子有因其少寡子幼勸令改嫁者氏斷指自誓死而復甦教子成立事翁姑更以孝聞

貢生曠鳴陞繼妻蕭氏年二十夫亡氏斷髮毀容緇衣素食誓死靡他

庠生曠暄妻劉氏夫應試歿郡城氏聞音投水家人奔救良久乃甦守節三十八年課子成諸

生持身嚴肅非童婢不得一見

趙一鷺妻張氏年二十四夫亡忍死撫孤支持門戶值軍興旁午徭役煩劇從容應之不少挫流離播遷百苦備嘗教其子蘧成諸生孫亦登黌序者四人壽七十二終

曠士頌妻唐氏年二十二夫亡子甫二歲事姑克孝撫子成立

單詔予之母譚氏年三十寡居撫孤子成名教養兼盡節久彌堅年八十卒

唐清妻李氏夫早逝氏守節數十年艱貞不渝

衡州府志

卷之二十五

衡山列女

五十五

撫幼子三俱成名氏有姪李爾常少孤氏育之如己子亦克成立兩姓宗祧一緯縻全之

唐首勲妻張氏年二十九而寡哀毀幾絕家窶貧而奉姑不儉於甘旨課子欽憲成諸生孀居二十六年茹荼蘼歷久不改其素

張其蘭妻陳氏年二十夫亡氏秉節堅貞撫子嗣祀

晏茂生妻吳氏年二十九夫亡矢志靡他撫孤成立教以詩書壽逾八旬宗族咸式母儀焉
庠生譚尚簡妻歐陽氏夫早卒遺一子幼冲氏

義不再醮撫孤成立舅姑皤然在堂孝事惟謹
得其歡心

胡一椿妻易氏年二十八夫亡子甫三歲家貧
甚氏矢志苦守紡績度日既而其孤子十歲夭
亡氏絕粒七日求死不得號泣夫墓者三載念
宗祀無承撫姪爲子每值姑暨夫忌辰涕泣哽
咽數十年如一日

羅侶蘇妻劉氏夫早逝撫姪爲子矢志守節茹
荼飲蘖終身不改

秦冲墟妻胡氏年二十而寡貧無立錫以節自

衡州府志

卷之二十五

衡山列女

五十六

誓紡績自給焚膏課子既而其子屢試不遇復
矢志教孫後諸孫咸補邑弟子員年九十五卒
監生顏啟稜妻曹氏年二十夫亡守節撫孤教
養兼盡

李吉人妻王氏年二十夫亡無子僅生二女尚
在懷抱矢志守節姑年老氏孝養弗懈

顏登瀛妻歐陽氏年二十夫亡孝事孀姑克盡
其道延師課子迄於成立

庠生饒開榜曾祖母李氏年二十六夫故生子
一諱文達歷鼎革處變如常撫其藐孤成立治

生訓課有條壽八十五終

楊廷秉妻朱氏年二十四夫亡孝事舅姑教子成立端莊靜正閭里咸取法焉

趙日章妻鄧氏妾徐氏鄧于歸七載未有子勸夫娶妾徐氏生子安魁未幾夫故鄧年二十四徐年二十撫孤成立事翁姑更克盡孝養

胡之桂妻王氏年二十四夫亡柏舟自矢甘守清貧上事翁姑下撫孤子無不克盡其道

羅在天妻陳氏年二十六夫亡事翁姑而孝撫藐孤以慈矢志冰霜至老彌篤

衡州府志

卷之二十五

衡山列女

五十七

陳澤華妻周氏年二十九夫亡孝事翁姑慈育兒女冰操自矢尤能力行善事

楊廷耀妻朱氏年十七廷耀以五日競渡溺死氏母兄納賂強氏改適氏大慟密自檢飾走江濱躍水死

庠生康國妻賔氏早寡崇正間衡湘寇作舉家被執賔給賊曰舍我父與弟願奉百年賊釋之賔至柳樹塘遽躍水死

譚女閨貞許戴未嫁而戴夭女年十四矢不再字以紡織自贍

周正諭妻趙氏歸周二年生一子甫半歲而夭夫因哭子致病氏視湯藥衣不解帶者數月每焚香禱以身代夫歿一痛幾絕越數日縊死秦子爵妻毛氏十四于歸夫亡年二十六遺子鳴臯氏以夫三世單傳矢志撫孤現年八十八歲無遺議

熊一潮母唐氏廿一夫亡堅持冰操育子成立蕭孔坤女名冬貞幼勤操作母亡一弟甫三歲女矢志不嫁以撫其弟全貞至老

趙氏趙嗣渭姑母也守貞不字至老不出閨闈

衡州府志

卷之二十五

衡山列女

五十八

廖國麒妻吳氏廿一夫故苦節撫孤現年六十有五

生員康如泌妻陳氏二十八歲夫亡矢志撫孤克臻成立樂施好善里黨莫不頌其德焉

附孝婦

賓淑南妻伍氏事翁姑克勤奉養姑病三載衣不解帶歷寒暑晝夜寢食如一日里人咸稱

其孝

附壽婦

詹近嶽妻曠氏壽一百三歲孫曾詹巖詹岐詹作盛等皆諸生有才名

耒陽縣

明

鄭重繼妻詹氏元配張生子維嶽重除浙江金華府同知遂娶山東詹氏年甫二十同之任維嶽未得見詹也弘治己酉維嶽魁於鄉庚戌會試卒於京邸訃至金華重一慟而絕遺俸三金詹拮据治喪扶櫬歸耒陽復遣人至京挈維嶽柩歸次第葬之維嶽娶賀氏生二子詹與媳賀撫養不給惟紡績是資及二子成立業復振

明經李芝桂妻曹氏年十九夫亡無子翁姑令

衡州府志

卷之二十五

耒陽列女

五十九

改適氏泣下願奉晨夕翁姑歿終喪如禮孀居五十年

庠生李坤妻胡氏年十七夫亡矢志守節家貧勤女工以奉舅姑嘗以夫所遺行滕勒之膺曰有言及他適者吾以此縊曾語婢曰吾死無去此畱此以見吾夫及晚年足猶不越戶限李邇室妻劉氏年十八生子半月夫死僅田一畝撫孤成立子耕氏織相依七十而終

監生鄭國用妻李氏國用早卒李盡以貲產僮僕分給家族惟自畱一婢炊汲苦節終身

李子定妻王氏幼字子定未嫁而子定染瘋疾年及笄舅姑父母皆欲爲另字王泣曰吾命也不可以貳將強之王遂斷髮持齋以絕之依父母二十餘載年幾四十仍歸夫家以遂初志竭力事夫勤紡績以自贍

曹大禎妻龍氏性簡默端方事姑孝姑老得瘋疾每日扶持床褥奉甘旨十餘年未嘗有夫吳朝珮妻李氏事舅姑盡孝夜夢神告以某時汝家將火明日火至衆爭救財物氏獨抱祖先神主出庭而泣及燼餘辨什物則衆所救者半

衡州府志

卷之二十五

耒陽列女

六十

氏物也人以爲孝感

舉人蔣閭妻鄭氏永樂間閭任訓導卒於嶺南鄭扶櫬歸塋畢入室自縊死

楊氏年少夫死撫子守節父欲奪其志與翁商之楊知之遂自盡

按此楊氏通志未載邑志亦未注其夫係何姓名楊係何年守節姑存之

庠生胡鍾靈妻馬氏年二十六夫亡遺腹子紹寅氏矢節撫孤食貧茹苦年至八十六

李經制妻胡氏年二十七夫亡遺孤六歲矢志

不二孀居三十餘年孤垣餼於庠

庠生謝嗣元繼妻熊氏年二十夫亡守節數十年如一日

庠生梁克近繼妻鄭氏年二十夫亡守節視前妻之子如己出

庠生謝嗣哲妻曹氏崇正末亂兵抄擄嗣哲奔逃曹義不受污墜樓而死

本朝

蔣元方妻姚氏年二十夫亡無子族人令改適氏誓死靡他見兄弟不踰闕宵不下堂撫幼姪

衡州府志

卷之二十五

耒陽列女

六十一

承祀

庠生資若霖妻谷氏年二十二夫亡誓以身殉族人強慰之谷紉績自贍撫兩孤葦藻皆弟子員苦節四十餘年

庠生李惟一妻周氏適李數年無出盡捐簪珥爲夫置側室生子逢年甫八歲惟一歿周撫之若己出訓之成諸生孀居三十餘年

伍時美妾徐氏生子騰蛟而時美歿徐年二十績紉課讀騰蛟膺薦辟苦節垂五十年

庠生劉之龍妻楊氏年二十九之龍歿二子尙

在襁褓楊泣撫二孤家徒壁立至不能舉火紉績以作家計二子皆爲諸生

賀訪金妻陳氏年二十八夫歿撫孤孀居父母欲奪其志乃毀形斷髮誓以死終

譚文昌妻胡氏文昌幼孤力學年二十二歿遺一子世儻時胡年二十一族利其產欲嫁之見胡志堅遂思毒其兒胡覺之抱孤而泣曰譚氏兩世惟此而已我寧死不嫁且保此孤決不輕死凡世儻飲食出入防檢甚密卒撫之成人

謝自生妻鄭氏年二十夫歿遺孤道至甫三歲

衡州府志

卷之二十五

耒陽列女

六十二

鄭矢志靡他家貧甚惟紡績延師課子成諸生未幾道至歿復撫孫良佐亦諸生

楊位璋妻曹氏年二十八夫亡水漿不入口者數日幾死家人慰之乃以紡績自給延師課三孤長永銓爲諸生

劉之甲妻倪氏年二十之甲病危倪泣拜曰妾有娠幸而生男當爲君守若女卽相從地下矣已生男撫之成立孀居五十年

庠生張夢羆妻曹氏年二十羆死遺子和齋甫三月曹堅守撫養成立教之入學

通志
熊羆

伍慶雲妻劉氏年三十夫歿長子文耀甫十歲
次文光甫三歲劉矢志辛苦教子及孫皆爲諸
生

監生陳佳琪妻劉氏年二十六夫歿劉矢志撫
孤有鄰人黃子輝者因饑饉售妻償逋哭經劉
門劉詢知其情遂取己所蓄二十八金爲償之

吳夫婦相保如初人稱女中節義云

通志
作耀輝

李時通妻龍氏年二十二夫亡舅姑憐其年少
無子勸改適龍泣曰我爲夫守豈爲子守耶誓
不嫁茹齋終身

衡州府志

卷之二十五

耒陽列女

六十三

黃文芬妻成氏年二十餘夫死遺孤俱幼家貧
成紡績度日嚴教諸孤稍不率即於夫靈前慟
哭諸孤感泣成立

庠生徐天麟妻張氏天麟爲人誣遠戍荒城且
死張年二十五痛夫罹冤涕泣幾喪明孤必達
僅二歲矢節撫之得入學

庠生伍大倫妻李氏年二十二適諸生大倫閱
三載大倫亡遺子啟廸甫匝月氏含淚撫孤教
之成名事舅姑盡孝姑老因病持齋氏請代之
姑歿喪葬盡禮邑有大陂橋圯氏捐貲助修貞

操凜凜四十五年如一日乾隆三年奉題旌表
資一昇妻黃氏年二十夫亡遺孤僅一歲黃矢
守撫孤成立長孫原梅入學年八十四
王絹妻鄧氏年二十七夫歿遺孤長撫七歲次
三歲時值吳逆盤踞鄧携孤奔竄撫兩孤皆成
立
謝汝齋妻周氏年二十六夫亡矢節撫孤
曹尚金妻周氏明末獻賊猖獗尚金有勇略領
遊擊衝力戰死氏年二十九含悲撫兩孤成立
孀居四十餘年

衡州府志

卷之二十五

耒陽列女

六十四

龍大濟妻吳氏年二十五夫亡家無寸土族人
勸改嫁吳截髮毀容誓死守勤紡績撫教三孤
成立

庠生吳朝瑤妻匡氏年二十二夫亡遺腹生子
正笏門閭蕭然氏矢守教子成復天撫兩孤孫
苦節三十三年

庠生謝賜梅妻梁氏遺孤宗善撫之成立

按梁氏通志未載邑志亦未注何年守節姑
存之

蔣志遠妻雷氏年二十四夫亡遺子連方甫一

歲氏矢志守節撫孤成立連方歿又教孫成名性慈惠里有段則秀因饑餓欲嫁其妻氏命孫禮佳給銀六兩段夫婦得全宅旁有溪氏捐金修橋以濟行者守節六十一年乾隆二十三年奉題旌表

鄭大英女名啟秀順治九年女年二十未字值兵入境爲所獲至李樂山塘厲聲罵曰予室女也豈爲汝辱遂跳入塘中死時遊兵七日方出境父母歸夜夢女蓬頭跣足哭訴曰女爲兵所獲義不受辱赴水死尸在某塘中爲神所守父

衡州府志

卷之二十五

耒陽列女

六十五

母跡其處尸忽浮出顏色如生邑令李文煒表其墓

庠生劉之紀妻王氏順治戊子王年二十餘值兵變被執厲罵不出兵殺之裂其屍

謝士珍妻劉氏士珍死於虎氏投繯死

曹毅生妻楊氏年二十三夫亡楊晝夜哭不輟聲久之淚皆血遂死有司漿卹之

傅文煒妻楊氏年二十夫亡舅姑欲奪其志氏剪髮毀容已而投繯死

周友善妻譚氏早寡家貧守節養姑其兄逼令

改適氏斷髮毀容嘔血數月而卒

李必英妻張氏年二十夫卒自經死

夏文盛妻曹氏年二十夫病篤語之曰我死汝若何曹誓與同死夫歿曹縊卧榻側

庠生吳正策妻李氏年二十夫卒父母令改適氏絕粒死

廖應亨母賀氏事舅姑孝夫從王遺孤權甫十三歲當兵燹之際氏力爲保護訓子成諸生

周美緣妻朱氏明荊州遼藩女美緣授副將值變氏從夫歸耒陽勤紡績以濟貧苦族里稱其

衡州府志

卷之二十五

耒陽列女

六十六

賢

謝恪滿妻楊氏康熙十七年吳逆亂邑人皆走匿姑徐病篤呼楊曰有吾子在足矣汝少婦宜避楊曰姑老疾危忍乎萬一兵至願以死繼卒免於難

李國材妻鄒氏事姑極孝姑歿哀慟二晝夜而卒

李軻發妻蔣氏年二十九夫亡事姑克孝得享遐齡教子有方早年入泮

鍾應星妻李氏年二十夫亡克明大義厥志弗

渝孝事翁姑至老彌篤熊丸課子鬻序蜚聲
太學生曾嗣榮妻黃氏年二十四夫亡舅姑年
邁遺孤甫及三月氏矢志堅貞孝慈備至
庠生資茂兆妻伍氏年二十一夫亡家貧守志
孝事舅姑甫二歲之遺孤而教以義方更樂行
善事
熊有瑚妻陸氏年二十七夫亡教育兩孤長子
已列成均次子亦克成立其事舅姑尤以孝聞
伍義宰妻蔣氏年二十四夫亡矢志冰霜事翁
姑克盡孝養兼嚴於訓誨子孫相繼入泮

衡州府志

卷之二十五

耒陽列女

六十七

劉天清妻陳氏年二十三夫亡上事翁姑下撫
弱子無不克盡其道兼賦性仁慈橋梁道路之
傾圮者多籍補葺

文永操妻陳氏年十九夫亡產遺腹子承名教
育備至已列成均事孀居三十餘年克盡孝敬
資原田妻伍氏年二十夫亡產遺腹子鞠育多
方克延三世單傳之緒更能孝事翁姑生歿盡
禮

太學生梁盛楚妻陳氏年二十三夫亡有勸令
其再醮者氏咬指以誓至老齒痕猶存孀姑多

病奉湯藥十有餘年未嘗稍懈撫孤維慈而課讀不少姑息子坤遊泮

黃惠珍妻伍氏年二十七夫亡矢志冰霜勤紡織以養翁姑撫孤成立家訓極嚴

熊王衡妻張氏年二十三夫亡破面剪髮誓不易志孝事翁姑撫孤成立

資楷士妻謝氏年二十夫亡青年矢志皓首完貞事翁姑克全孝道延師課讀儼如嚴父子孫相繼遊泮

朱汝遴妻聶氏年二十七夫亡矢志守節言笑

衡州府志

卷之二十五

耒陽列女

六十八

永闐貞操六十四年

彭大伯妻謝氏年十九夫亡事奉翁姑撫遺腹子成立

庠生周聯揖妻陳氏年二十四夫亡氏截髮觸城誓以死殉耐守冰霜始終不渝事姑尤孝敬盡禮勤紡績治家整嚴教子義方人以爲有侃母風子二長發鰲次夢虎名列庠序

文永仕妻周氏于歸八載夫亡繼姑在堂男甫四齡仰事俯育備極艱辛孤子際泰得入黌宮氏教居多云

常寧縣

明

彭萬理妻陳氏年二十夫亡矢志守節孝養舅姑四十餘年飲冰茹檠如一日

庠生謝恩賜妻胡氏年二十七夫亡無子守節奉姑終始無二知縣陳勳申請巡撫郭表其門曰節孝雙全

庠生聶文明妻廖氏年二十七夫歿矢志守節同姑寢處嘗有孤燕巢其室經年不去人以爲異院司道府給扁表之

衡州府志

卷之二十五

常寧列女

六十九

劉恩妻鍾氏年二十一適劉生子尚志未一週而恩逝鍾守節養姑孀居五十六年萬歷間建坊旌表

羅文繡妻聶氏父庭訓嘗授以內則女誡諸篇氏歸羅能宜其室家萬歷中文繡挈聶舟經月浦失足溺於水聶挽之不及亦投水中舟人亟舉篙援之氏不顧而沈越七日兩尸並浮有司表之

庠生李在公妻鄧氏早歲夫亡姑亦孀居鄧無出妾生一子撫之若己出誓不再醮崇正間寇

攻城鄧爲賊所掠欲污之鄧跳水中死
崔憲妻陳氏年十六適崔生一子甫七歲夫亡
陳矢節勤紡績事姑以孝教子讀書成立

本朝

彭自興妻張氏年十六適自興方娠而夫歿遺
腹生子張冰心鞠養家貧績紉以事舅姑舅姑
卒黽勉治喪撫孤成立知縣張問明表其節
李開美妻周氏年十九歸李生一子甫七歲而
夫逝氏堅志守節事姑以孝聞康熙二十三年

題旌

衡州府志

卷之二十五

常寧列女

七十

庠生李祐臣妻詹氏年二十八守節撫孤孝養
舅姑康熙三十六年旌表

庠生段昌紀妻鄒氏年二十四夫亡矢節事姑
備極孝養遺孤岐生甫三歲氏紡績課讀俾克
成立公舉優行康熙辛丑族遭回祿氏默禱反
風滅火雍正二年旌表

胡威妻尹氏年二十七威歿遺孤一歲矢節撫
育無何子一天以幼姪爲嗣乾隆二年旌表
陽開陞妻張氏適陽九載夫故事舅姑色養無
違值滇寇蹂躪忍苦守死乾隆二年旌表

廖成能妻鄔氏年少夫亡矢志靡他乾隆二年旌表

唐有亮妻吳氏年二十六守節事姑飲食必豐姑病親嘗湯藥未敢一息離教子成名乾隆二年旌表

庠生唐有相妻詹氏年二十二夫歿守節家貧勤紡績奉二親方夫柩在堂鄰火延及氏仰天號泣誓與同燼忽風雨驟至火滅乾隆二年旌表

庠生劉巡勝妻騰氏年二十一夫亡矢志守節

衡州府志

卷之二十五

常寧列女

七十一

有憐其少而無子者微諷之氏以刀截髮自誓乾隆二年旌表

段昌作妻彭氏年十九夫故守節父母憐其無子欲奪其志氏以刀自誓乾隆二年旌表

段昌嵩妻尹氏年二十四夫病劇以母老託之夫歿無子氏孝養不衰撫姪承祀乾隆三年旌表

段垢生妻周氏垢生歿氏年二十二生男甫三月鞠育辛勤又撫姪以廣繼嗣家貧紡績不怠事姑先意承志色養無違乾隆二年旌表

段關生繼妻曾氏年二十三適關生六載夫歿
生二子長二歲次未一月矢節養老姑撫孤成
立乾隆二年旌表

劉安國妻王氏年二十五夫歿矢志守節姑老
目瞽氏抱姑餵之目復明乾隆二年旌表

劉琰妻陳氏年十九夫歿家貧甚採薇以給矢
節不移乾隆二年旌表

廖際旦妻李氏年二十六守節教子成名乾隆
二年旌表

劉嗣向妻蕭氏年二十五夫歿姑已老撫二幼

衡州府志

卷之二十五

常寧列女

七十二

子日夕號泣慈孝兼至乾隆二年旌表

崔良鵬妻唐氏年二十二夫故守節乾隆二年
旌表

譚朝進妻范氏年二十一夫亡守節乾隆二年
旌表

霍某名闕妻陳氏將嫁而霍夭陳矢志守貞有司
以額旌之更爲置養十五畝免其徭

滕繼誦妻胡氏年二十六夫亡無子矢志不二

孝事衰姑乾隆九年旌表

劉登瑛妻詹氏年十九夫亡無子孝養衰姑撫育繼嗣乾隆十五年旌表

詹顯經妻李氏年二十四夫亡無子爲夫立祀教子成立事姑以孝聞乾隆二十四年旌表

庠生陳先選妻袁氏年二十七夫亡孝事舅姑教子成立歷盡艱辛堅貞克著

庠生吳鴻名母劉氏順治中遊兵掠境劉倉卒出走被執賊欲污之劉抗拒被殺

吳鴻名妻王氏與姑劉俱被賊執王口嚙兵手

衡州府志

卷之二十五

常寧列女

七十三

被殺

賀逢皞妻陳氏夫病篤自經以殉

賀正瑛妻劉氏夫卒自經死

庠生張道淮妻段氏年十八夫亡矢志守節撫姪承祀上事孀孤備極孝養生平好行善事於下耙渡捐費千金修造石橋

安仁縣

明

陳鴻妻蔡氏年二十二夫卒無子勵志自守凡四十餘年

劉宏凱妻陳氏年二十適劉越六年劉死無子翁姑欲再嫁之以死自誓居深閨言笑不聞撫從子青圭爲嗣以完節終

周孟安妻樊氏年二十七而寡斷指刺血自誓事舅姑擇師教子年九十一終萬歷中旌表

歐陽皞繼妻黃氏夫亡苦節撫孤

衡州府志

卷之二十五

安仁列女

七十四

蔡儒士妻陳氏歸蔡甫七月截髮守志

李忠廉妻歐陽氏早寡無嗣矢志不二事姑以孝聞詔旌之

羅祖慶妻譚氏名鳳秀適祖慶早寡撫二孤勵節

按通志云舊通志有两羅祖慶两節婦譚氏但不同縣

陳思桂妻李氏既笄歸思桂生二女思桂卒無嗣夫弟爵亦早卒爵妻單氏孀居李與單俱守節以終

李春葵妾段氏年十七歸春葵生女甫數月春
葵死段矢志事姑甚謹差有餘貲建石橋二年
七十卒

侯義旒妻譚氏旒父爵知廣東咸恩縣譚與夫
皆隨任苗賊胡南蛇叛旒代父征之殞於陣無
子時氏年二十一矢死不二久之有顯者求婚
譚截髮誓志瓊州太守聞而義之贈以詩

唐大勳妻陳氏適太勳未有子納妾李氏未幾
大勳卒陳年二十五李年二十同志矢節僮僕
壯者盡遣之獨留老幼二婢司炊鄰嫗罕有見

衡州府志

卷之二十五

安仁列女

七十五

者皆年踰六十終

庠生陳嘉舉妻賀氏年二十夫亡誓守清貧

劉強讓妻陳氏

李春榮妻段氏

張正儀妻歐陽氏

福銘妻李氏圓娘

劉淵深妻王氏

陳思詩妻劉氏明正德中徭賊攻縣被執將汚
之劉引首就刃曰吾寧死不辱也賊怒置薪兩
袖中火發膚裂越七日死

本朝

何天躍女名新秀家無兄弟誓不適人孝養終身及親歿喪祭盡禮康熙五十七年旌

庠生歐陽坤妻張氏年十八坤歿遺腹生一子

張矢志鞠育及長補弟子員張孀居四十餘年

庠生謝崇儒妻李氏崇儒早世遺二穉子李矢

志守節家貧以紡績自給教子成立長學詩次

學易皆餼於庠學易以鄉貢任沅州教諭

周彝妻黃氏彝早卒無子以夫姪廷相爲子教

之成諸生

衡州府志

卷之二十五

安仁列女

七十六

侯一德妻呂氏年二十九守節康熙五十九年

旌

侯徽恭妻蔡氏年二十八守節康熙六十年旌

謝義立妻侯氏年二十五夫亡守節康熙五十

年旌

侯驥鳴妻蔡氏生子五夫死守節教之皆成諸

生冰操四十餘年

李日顯妾盛氏日顯歿盛年方艾無出撫嫡室

遺孤婚娶教訓成諸生

劉世祥妻陳氏年二十一守節

陳貴卿妻李氏

尹尚綱妻劉氏夫歿子甫半歲矢志守節奉侍翁姑塋祭盡禮教子成立以節孝旌

張祖琳妻盧氏年二十六夫故孀姑年逾五十稚子歲未及週氏守節養姑教子宗洛成諸生以節孝旌

鄒逢生聘妻蕭氏幼字逢生未于歸翁姑與夫繼亡氏聞致喪三年誓不再字守志六十八年奉旌

陳邦讓之女名大姑九歲母喪矢志不字守貞

衡州府志

卷之二十五

安仁列女

七十七

五十二載勤勞紡績饑寒無怨奉旌

歐陽瓊妻張氏年二十六夫亡氏幼受姆訓夫歿毀容絕粒翁姑慰之乃斷髮繫夫首以誓敬事翁姑姑疾禱以身代教子成諸生食餼

李任賢妻唐氏年二十二夫亡孝養孀姑教王成立守節三十四載奉旌

譚世君妻周氏年二十三夫歿茹苦守志

周仁淑妻陳氏年二十五夫亡志節堅貞撫孤成立并好行善事捐修橋路施給茶漿

張蘭妻蕭氏事姑孝姑亦愛之姑卒自經死

侯忠唐妻劉氏年三十四夫亡遺孤旋殤氏遂自剔身死奉 撫憲陳旌以節烈可嘉匾額侯執言妻張氏年二十六歲夫亡上奉翁姑以孝養著和丸課子元忠大成俱游泮水兼周恤隣里之窮乏者恒無倦色

張謙光妻侯氏年二十二歲夫亡堅不欲生姑諭之再勉爲未亡育子自甘食淡事舅姑而從豐姑病禱天求代終身兢守禮法可爲貞節良範

鄱縣

明

李世昕妻羅氏年二十守志撫兩稚孤昕弟世
曠妻尹氏年二十五守節撫四歲孤冰操凜然
成化中知縣宋壁表雙節新安朱瑤爲傳
霍祖銀聘妻彭氏幼字祖銀祖銀訃至彭終三
年服誓不嫁萬歷十一年知縣江來岷造其門
有謗者來岷焚香告夫謗者暴殞後彭卒邑人
爲置田祠祀云

陳某聘妻羅氏幼許字陳陳殤誓不適人女弟

衡州府志

卷之二十五

鄱縣列女

七十九

靜貞與姊相愛不欲分離亦不字姊妹扃戶蠶
績年各九十二歲邑人號曰雙貞邑城西石人
橋雙貞積貲所建

庠生羅祖慶妻譚氏年二十夫亡誓死守節有
司時加優恤

鄒應遴妻王氏

譚宗寰妻羅氏年二十四夫亡誓節撫孤

譚宗杰妻羅氏年二十六夫亡孝事雙親慈育

李德崇妻譚氏年三十守節勤紡績撫孤成立

譚振京妻羅氏年二十夫亡操作勤瘁志行堅

貞訓子成名

尹文光妻劉氏明正德中流寇至劉年十八侍姑病匿山澤中爲賊所執欲污之不從賊以刃加其頸卒不屈賊怒殺之

本朝

羅鳳妻譚氏事姑克孝夫歿矢志撫孤壽百有三歲

李某聘妻譚氏幼字於李未嫁而李夭譚謂父母曰吾李家婦也願歸李盡婦道卒成其志

譚某聘妻李氏年十五許聘譚譚天氏聞訃痛

衡州府志

卷之二十五

鄱縣列女

八十

哭奔喪而翁姑已逝無可依父母強之歸欲別字氏輒涕泣卻食祖母顏知不可奪遂成其志父病劇女割股烹療父歿哀毀骨立歲時祭掃翁姑及夫墳墓知縣張方佳表其門

庠生羅承祀妻李氏事孀姑以孝聞承祀試郡城病歿氏聞訃慟絕復甦運柩歸葬如禮子二長先瑋甫九歲次先琢遺腹生也氏備歷艱辛撫之成立先琢嘗拾遺金二十氏命訪其主還之

羅國相妻李氏年二十九夫亡守節孝事繼姑

撫姑幼子與己子無異乾隆八年旌表

羅國樑妻陳氏年二十四夫卒遺孤半歲氏痛哭絕粒姑曲諭之乃食事姑盡孝延師訓子與娣姒李氏陳氏三人相依爲命人稱一門三節
乾隆八年旌表

李慶首妻萬氏年二十七夫亡矢志守節撫孤繩榛成立姑歿事繼姑盡孝繼姑歿遺子慶蘊年九歲萬教育之卒成諸生

尹之珩妻陳氏年二十八夫亡遺孤三歲痛不欲生掬土成墳卧守三晝夜虎至不爲害教子

衡州府志

卷之二十五

鄱縣列女

八十一

作楫成諸生乾隆十四年旌

李宗琳妻譚氏未嫁而宗琳歿訃至即毀容自矢聞夫葬號泣奔赴恐有撓其志者藏刃衣中引紼登塋盡禮而返請於父欲歸李氏父不許適翁至即悅首出見拜翁堂前請終婦職及入門痛哭拜翁姑撫夫弟子爲嗣乾隆十四年旌
李世曠妻尹氏年二十五歲夫亡矢志冰霜撫孤成立

鄒承蕃妻周氏年二十四歲夫亡遺孤衍魯甫三歲氏痛夫欲投繯相隨以死家人強解之曰

有呱呱者存何爲爾爾氏乃止自是閉坐一室垂二十餘年每溫茗酒佐其子夜讀雖父母家密邇罕歸寧焉及衍魯旣成諸生且婚又早世遺孫亦三歲媳竟改適氏復撫其孫拮据兵燹伏匿山谷中孫質弱不育氏遂慟哭而絕庠生羅萬善妻孫氏夫爲暴客所殤氏聞變卒投環相從有老嫗曹姓者力救得甦遺一子一女朝夕泣號撫遺孤迄於成立飲冰茹荼至二十餘年

王宗旦妻唐氏年二十一夫亡今年五十二歲

衡州府志

卷之二十五

鄱縣列女

八十二

歸王數載夫即病氏服侍不懈夫歿廢食者數日翁姑勸之免節哀食粥殯葬盡禮事老翁老姑定省無曠姑疾侍湯藥惟謹紡績辛勤子成立

尹宗寶妻譚氏年十六歸尹十九夫亡守節五十七年今年七十四初氏夫體羸以苦讀致疾氏奉湯藥惟謹夫歿痛不欲生其兄泰桂慰之勸撫夫兒子爲後氏育之如己出家無餘貲而教子脩脯不惜脫簪珥以助子逢聖成諸生劉交璧妻張氏年十八婦劉夫病禱以身代夫

歿氏年二十七遺孤甫一歲氏絕粒不欲生姑諭之曰汝子幼吾亦年老若之何氏遵姑命却銘華躬紡績教子成諸生

譚衡琮妻羅氏年十七歸譚篝燈佐讀相夫成名夫購書缺資取簪珥以助夫歿年二十七守節二十五年今年五十一氏無子夫兩弟俱止一子撫族人子承祀氏視如己出教之成立

唐正漳妻潘氏年十八歸唐身操井臼執婦道甚謹勸夫力學脫簪珥以資膏火歲甲寅夫赴郡試病歸未幾歿氏年二十四遺子甫一月氏

衡州府志

卷之二十五

鄱縣列女

八十三

誓不欲生翁姑慰諭之乃飲泣撫孤守節二十年今年五十一

譚振宁妻尹氏年二十八夫亡水漿不入口者數日姑及母氏力勸之乃強飲米汁母憐其貧欲令改適氏矢死不可奪教子秀雲爲諸生孫泰組泰級皆成名乾隆十九年旌

羅炯妻譚氏年二十八炯歿矢節撫姪承訓爲嗣又天復撫姪承坦繼之紡績篝燈訓課不倦乾隆十九旌

羅國楨妻萬氏年二十九守節

貢生羅卿謀妻李氏生一子世甲卿謀歿李年三十卿謀有妾尹氏年二十八無出相與飲口茹冰守貞無二

羅興恒妻譚氏順治九年賊壓城譚隨夫暨子出城五里許避之石圍賊掠譚並其子置子烈燄中以脇譚譚罵賊赴水死子遂爲賊所焚順治十三年旌

譚振漢妻李氏順治壬辰年二十七隨振漢避亂江西永新鄉步騎萬餘突至家人各驚走李偕一侍婢走雞冠塘被執李大罵躍塘中死初

衡州府志

卷之二十五

鄱縣列女

八十四

李嘗繡七里鞵語振漢曰兵禍未已倘值不測請以此識骸骨因相與泣及殉難覓尸塘中是以得驗

鄒應逢妻周氏丙戌氏偕姑與夫避亂於衡陽遇寇欲污之氏不從引佩刀自截頸血濺賊襟賊錯愕驚顧釋其夫與姑而去時絕而復蘇歸呼醫療治之然已傷要害俄而風鶴再傳舉家倉皇欲走强舁氏出氏瞪目語曰柰何因我陷吾一家遂引手自抉其喉以死時年二十四歲庠生鄒應昌妻劉氏張獻忠陷衡郡應昌携劉

匿石穴中寇卒知中有匿者入得之指應昌詰
劉曰此汝夫乎劉自分必死欲全其夫乃誑以
非是賊將逼之大罵曰死賊何敢犯我遂嬰刃
而死以是應昌得免

譚氏三蓮因父不諳律悞許不應爲婚之人嗣
欲另爲擇配氏曰律固不可違而女子無再字
之理且親老弟幼願孝養終身庶爲兩全迄今
五十餘歲守閨不出戶庭其志可嘉併載及之